


22-6523  
6762.0731  
=2

黔  
縣  
志


三  
卷  
附



黔縣志卷二

地理志

言地理者例重沿革顧志一邑者沿革



崇  
國朝定制以見

大一統之義黔之分星疆界山水邑聚風俗及地之所產  
應詳系之亦班固用劉書之例也

分野 疆域 山川 都圖 風俗 物產



分野

天文分野之說肇自軒轅至周官有保章氏之掌然未言

所辨何土所分何星故論者不一或繫之北斗史記天官

星所謂璿璣玉衡以齊七政用昏建者杓杓自華以西南

夜半建者衡衡殷中州河濟之間平旦建者魁魁海岱以

東北也春秋文耀鉤蒙山以東至江南會稽震澤徐揚之

間屬權星此主北斗第四星言之晉書天文志北斗七星

在太微北四主吳與春秋緯合星經北斗九星玉衡第六

星主揚州常以五巳日候之乙巳為豫章辛巳為丹陽己

巳為廬江丁巳為吳郡會稽癸巳為九江凡六郡按北斗

九星其二陰星不見故云七星星間相去各九千里二陰


見史記索隱或繫之三台主荆揚中台上星主兗豫下星  
星主冀下台上星或繫之三垣名天市兩扇垣牆二十二宮  
主青下星主徐或繫之三垣名天市兩扇垣牆二十二宮  
左邊宋與南海關燕東徐吳齊中山宋史天文或繫之五  
志天市垣二十二星東蕃十一星六日吳越

多孫志

卷二

地理 分野

二



車晉書天文志五車者五帝車舍也五帝坐也次東南星曰司空主填星主楚江南通志云隋志宋志皆同言楚

則吳越或繫之十二國隋書天文志九坎東列鄭北一星

在其中或繫之十二國曰越其星有變動各以其國宋史天

文志十二國十六星在牛女南近九坎各分土居列國之

象九坎之東鄭北一星曰越有變動各以其國占之陶隱

居曰越星在婺女南按隋志云九坎九星其載九坎東列

以下計十六星且云有變各以其國即宋志之十二國十

六星或繫之五星史記天官書吳楚之疆柳星或在熒惑占於

也或繫之五星鳥衡熒惑火星鳥衡柳星或曰張星正

義云皆南方之星故為吳楚占候也星經熒惑主霍山揚

州荆州交州隋書天文志熒惑曰南方主楚吳越以南

或繫之九宮五行大義一為揚州或繫之天干史記天官書甲

月不占丙丁江淮海岱也戊己中州河濟也庚辛華山以

西壬癸恆山以北漢書天文志丙楚丁南彝淮南子甲齊

越或繫之地支漢書天文志戌吳越六壬龍或繫之六十

甲子太乙統宗九宮揚州官名癸酉說雖各異亦古今所

不廢也惟帝王世紀淮南子天文訓費直易說蔡邕月令

章句怵分十二次度數分野晉書天文志更列州郡躔次

以為陳卓范蠡鬼谷先生張良諸葛亮譙周京房張衡並

云至唐貞觀中李淳風撰法象志因漢書十二次度數後漢

書劉昭註引始以唐之州縣配焉而一行以為天下山河

之象存乎兩戒觀兩河之象與雲漢之始終而分野可知

矣星紀得雲漢下流百川歸焉嘉靖府志云歐陽修因之

淮海間為吳分吳分乃丹董說分野發曰十二分野主人

不主地所謂分野者其先世受爵之日視其國之方所照

臨之星為國之司命者也其國之方則準於九土其照臨

之星則準於初昏吳之始分吳見南斗越禹之苗裔封於會稽牽牛婺女越受封日臨越之星也一說以各國受封之日視歲星所在之辰命之徐發天元厯理曰分野實出地統之首冬至子之半太陽躔畢九度居子中聖人乃立爲分野之法原不過順天地自然之理畢九在子中則軫九在申中於是角軫分界未申間其中在河洛角亢氐房爲南服故得宋鄭斗牛女虛爲東藩故得吳齊此皆發明十二次二十八舍分野之法而黃道周三易洞璣則曰天漢出沒別江河之道以江河分滙別八際之山故天有分野則本於中星地有分區則本於象度今按其表考之則黃山牛渚濡湏俱入張十三度于卦爲噬嗑之上九是又說之獨異於古者也然以史冊往事驗之則十二次二十八舍之分野較諸說爲信而有徵但言星土者或以州或以國秦漢以來郡國廢置不同且分次分宿之說亦各有參差新安志云郡在漢爲丹陽都尉治正當斗分古丹陽歙縣地與會稽之富春接是斗牛之交也自南斗十二度至婺女七度於次爲星紀於辰在丑故此郡爲星紀丑南斗十六度按丹陽郡治在宛陵卽今寧國府去今徽州府北三百餘里東百餘里去黟縣北亦二百五十餘里東二百餘里里差法每二百五十里差一度則徽州府之分度

與寧國府分度不同黟縣亦然自新安志據晉書天文志云丹陽郡入斗十六度諸志皆相沿無異蓋不考里差不明實測之故也謹查

國朝監刻經緯輿圖及內緯秘言分野備考則徽州府入斗十五度休寧祁門黟縣績溪麗二分之七歙縣婺源麗四分之六矣茲條列古十二次二十八舍分野之說而次星紀距度不同考于後焉

周禮保章氏以星土辨九州之地所分封域皆有分星以觀妖祥鄭氏註云諸國中之封域亦有分焉其書也矣堪輿雖有郡國所入度非古數也今其存可言者十二次之說也觀此則康成已不能言其詳矣

爾雅星紀斗牽牛也郭氏註云牽牛斗者日月五星之所終始故謂之星紀疏引鄭說星紀吳

也

史記天官書斗江湖牽牛婺女揚州二十八舍主十二

州斗秉兼之所從來久矣又云吳楚之疆候於熒惑占於鳥衡孫老云熒惑火星鳥衡柳

星或曰張星正義註云皆南方之星故吳楚之占候也意斗牛北方宿而吳楚居南故復著占候於南方之星

漢書天文志斗吳也又為粵南斗越分也牽牛主吳

越斗為吳斗為貴相為揚州地理志吳地斗分野也

今之會稽九江丹陽豫章廬江廣陵六安臨淮郡盡吳分

也孫志云徽州府及黟縣寶玉二志皆云吳地斗分野也越地牽牛婺女分野也按漢志明以丹陽郡列於吳分

而越地之下又析言蒼梧鬱林暨南海日南等地其無關於徽州黟縣明矣府縣志刪去所志郡名而贅以越地分

野援引稍疎  
今為訂正

後漢書天文志牽牛主吳越 斗為吳

帝王世紀黃帝受命推分星次以定律度自斗十一度至  
婺女七度一名須女曰星紀之次於辰在丑謂之赤奮若

於律為黃鍾斗建子今吳越分野按范氏後漢書天文志不言分野劉昭郡國志

註乃引皇甫謐帝王世紀著於篇首之下

淮南天文訓星部地名斗牽牛越須女吳

費直說周易吳越分野起斗十度至須女五度為星紀

蔡邕月令章句周天三百六十五度四分度之一分為十

二次日月之所躔也地有十二分王侯之所國也每次三

十度三十二分度之十四至其初為節至其中為中氣自

斗六度至須女二度謂之星紀之次大雪立冬居之吳越

之分野

晉書天文志十二次度數十二次班固取三統歷十二次

配十二野其言最詳又有費直說周易蔡邕月令章句所

言頗有先後魏太史令陳卓更言郡國所入宿度今附而

次之自南斗十二度至須女七度為星紀於辰在丑吳越

之分野屬揚州 州郡躔次陳卓范蠡鬼谷先生張良諸

葛亮譙周京房張衡並云牽牛須女吳越揚州九江入斗

一度廬江入斗六度豫章入斗十度丹陽入斗十六度會

稽入牛一度臨淮入牛四度廣陵入牛八度泗水入女一

度六安入女六度嘉靖府志丹陽入南斗十六度者南斗

二星所入之次而丹陽所入之度昭然考宋史天文志天

雞二星在牛西一在狗國北屬于建晉志入弁又箕宿四

星亦曰天雞若南斗則曰天

機府志所云未知何據也

宋書天文志南斗吳分秦始六年

隋書天文志斗吳越分野夫業九年

隋書地理志揚州於禹貢為淮海之地在天官自斗十二

度至須女七度為星紀於辰在丑吳越得其分野

唐書天文志星紀得雲漢下流百川歸焉故其分野自南

河下流窮南紀之曲東南負海為星紀 斗牽牛星紀也

初南斗九度餘千四十一秒十一太中南斗二十四度終

女四度自廬江九江負淮水南盡臨淮廣陵至於東海又

逾南河得漢丹陽會稽豫章西濱彭蠡南涉越門訖蒼梧

南海逾嶺表自詔廣以東珠崖以東為星紀之分也 南

斗在雲漢下流當淮海間為吳分按唐之分野以州縣雖

分之每一次舍例以初中終三分其星之度

宋史天文志二十八舍北方南斗六星天之賞祿府主天

子壽算為宰相爵祿之位又主兵一曰天機南二星魁天

梁也中央二星天相也北二星天府廷也石申曰魁第一

道和平帝王長齡將相同心考要云斗北宮之宿以夏秋之間見於南方故謂之南斗

也。孫志云宋宣和間改歙州為徽州地理志云亦云徽州新安郡軍事天文志獨言丹陽者宋史言星度皆引據漢志元銅儀丹陽之名亦仍漢志耳按宋史非據漢志乃引魏石申之說與劉宋天文志本相同

元史天文志斗四度三十六分六十六秒外入吳越分星紀之次揚州之次

明史天文志分野斗三度至女一度星紀之次直隸所屬

之應天太平寧國鎮江池州徽州常州蘇州松江九江府

### 暨廣德州屬斗分

孫志云星紀之次自費直蔡邕以來論之詳矣顧言星必先準地秦鄣郡治在故鄣今浙江湖州府所屬漢改丹陽郡治在宛陵今寧國府至孫吳以漢丹陽分置新都治在始新今浙江嚴州府所屬猶有越分隋時徙治於黟徙治

於休寧復徙於今郡治且所領縣不及漢丹陽郡之半皆古吳地故自隋唐以後作書史者概言星紀則曰自斗至女而論言丹陽則曰星分南斗晉書謂丹陽入斗十六度宋史主南斗第三星遐稽漢志合數郡以應吳分諒矣何必更言牛女乎謹取周禮保章氏錄于首而自史記迄明史凡言分野者採備於右視舊志較詳明焉

### 星紀距度考

前漢志三統自斗十二度唐李淳風晉隋兩志魏太史陳卓並同至女七度

帝王世紀肅自斗十一度至女七度

費直說自斗十度至女五度

蔡邕月令自斗六度至女二度劉昭後漢志魏楊偉景初歷並同

北魏志正光起斗一度至牛五度

唐一行大衍初斗九度餘千四十二秒十二太終女四度

多系志 卷二 地理 分野

宋志 元祐觀天曆

初斗九度

終女六度

南宋 紹熙統天曆

初斗四度

三十五分秒九十二

終女二度

九十五分秒七

金曆志

起斗四度

三十六分十二秒外

至女三度

九十一分九十一秒耶律楚材曆同

元史 授時曆

起斗二度

七十六分八十五秒

至女二度

六分三十八秒

明 天文清類分野書

起斗三度

至女一度

以上言星紀距度不同者凡十一家依古曆起斗十二度則斗建星全入燕分為析木之津若正光曆起斗一度畢牛五度則牛六度為齊分而女宿全入齊其相懸若此緣麟德曆以前不用歲差故也自太衍曆始分天自為天歲自為歲嗣後各憑當時實測以分宮次今國朝時憲法宮度隨歲差遷移俱以中氣過宮而定如今歲嘉慶十五年庚午十一月二十六日酉時冬至日躔箕一度二十三分則星紀起箕一度二十三分至斗二十二度二十六分止是不惟南北至有歲差即十二次亦歲歲有差則今法之精密實超越乎千古矣

北極出地度

古天文家皆言北極出地三十六度常現不隱南極入地三十六度常隱不現此特就五嶽之中嵩洛間周之王城言即今河南府是也按新法以東西為經南北為緯天地皆然凡南行二百五十里則北極低一度南極高一度北行二百五十里則北極高一度南極低一度是謂里差里

差之法關於仰觀者甚鉅如恆星之隱現

簡平儀說滿刺伽國在赤道之

下南北二極皆與地平終古晝夜常平一年而冬夏再周其地極熱立表則春分以後各節氣日出入俱在天頂北日景俱在表南秋分以後各節氣日出入俱在天頂南日或謂古傳河南有無景塢按梅氏揆日紀要宜邑謝野臣至中州尋古測景之臺所立石表尚存其形似塢上小下

大夏至日中無景蓋其根盤半徑則日景所到如句高尖  
 距地之數為表如股亦表八尺土圭尺有五寸之比例也  
 以此推之則向南州邑並可作夏至無景之景梅氏所謂如  
 所言無景者乃上小下大其根盤即表之景梅氏所謂如  
 句是也若直立一竿使上晝夜之永短晝夜永短由北極  
 下粗細均一則亦有景矣晝夜之度數多則晝夜刻分所差  
 亦多北極內外所度數少則晝夜刻分所差亦少天經或問  
 云居北極之下者則晝夜刻分皆夜是以半年為晝半年為  
 夜也唐貞觀中骨利幹國獻馬使云其國在京師西北二  
 萬餘里夜短晝長從天色暝時煮羊脚纔熟而東方已曙  
 據此則其地北極出地將有七十度矣然亦是指夏至言  
 若冬至則與此相反設更往北則是半年為晝半年為夜  
 矣

**七曜之出沒節氣之早晏**  
 日之出入各處不同時刻東  
 去九百三十七里則差一刻若隔七千五百里則差一時  
 更相距一百八十里則差四萬五千里則東方之午乃西方  
 之子周髀經所謂東方日中西方夜半是也梅氏操  
 綬卮言云偏東則諸曜早見而節氣遲偏西反是

交會

之深淺先後

徐光啟云日食各地不同以地緯度算其食

寰宇皆同惟用地經度推其先後時刻而已漢安帝元初  
 三年三月二日日食史官不見遼東以聞五年八月朔日  
 食史官不見張掖以聞蓋食在早獨見於遼東食在晚獨  
 見於張掖當時京師不見食非史官之罪而不能言遼東  
 張掖之見食則其法為未密也莫不因而審定焉

國朝時憲法先以京師為準然後隨各處之經緯度以

區別之黔縣在京師之南今用簡平儀及經緯輿圖推

測得北極出地二十九度半強在京師偏東一度半強第

因器小不能測其分秒耳

疆域

黟為古邑地大後分析詳建置沿革中覽古圖經必審四  
至八到與夫川原阨要道塗出入所從若涉景物則外篇  
矣故質言之

黟縣在徽州府城西北一百四十里東西六十五里南北  
八十五里

東至休寧縣界藕坑口四十里

西至祁門縣界牛頭石二十五里

南至祁門縣界楠木嶺四十里

北至寧國府太平縣界登塔橋五十里

東到休寧縣八十里

西到祁門縣六十里

南到浙江遂安縣二百七十里

北到寧國府宣城縣三百八十里

東南至休寧縣牌嶺界四十里到歙縣一百四十里

西南至祁門縣陶嶺界二十五里到婺源縣三百五里

東北至休寧縣潘村界四十里到寧國府涇縣二百八十

里

西北至寧國府太平縣廂口界六十里到太平縣一百三

十里

至安慶三百二十里

由祁門柏溪大嶺嶺

官路六百三十里

批護由各城治

至江寧七百四十里

總督糧道駐劄所至

京師二千八百里

黔山自楠木嶺分布至石山而聚城依龍尾山東北環章


水東通休寧一由魚亭一由源嶺南通祁門一由楠木嶺

一由赤嶺一由西武嶺一由虎嶺即西路北通太平一由

方家嶺一由章嶺一由牛泉嶠一由羊棧嶺八都十都十

一都往休寧者循夾溪水出此其大略也山形重疊激湍

潺湲循水者亦多依山行



地里志山川古制也况黔風土實勝其形勢有當明者顧  
 言山川亦不易矣狀其起伏向背則近形家析著某山某  
 水又似類書任昉所謂畫地成圖抵掌可述者其惟山海  
 經水經注乎爰倣其例志山川  
 黔縣山起楠木嶺脈由休寧婺源界之三天子都故黔地  
 也今嶺在縣南三十五里一曰榔木嶺其南為祁門縣界  
 嶺東北為天潛山自嶺西北為黃荆菴山又西北為南屏  
 山南屏山在縣南十里山形方整如屏舊乘云南屏實南  
 幹之祖其西為頂游山其東為林厯山林厯山高三百仞

山川

多係志  
 卷二  
 地理 山川  
 三

周十里三面壁立徑危仄漢末山賊陳僕祖山屯其上吳將賀齊討平之山上寨址猶存鉏山者時得箭鏃青赤斑駁土人卽山爲菴宇明時有林厯書院曰道一堂魏忠賢毀之前有峰圓起如香鑪水經注云地里志漸江水出丹陽黟縣南蠻中北遷其縣南有博山山上有石特起十丈上峰若劍峙時有靈鼓潛發官長臨縣以山鼓爲候博山蓋鑪像矣山之東爲垂珠洞窈窕冥曲石骨相次卽石刻佛像泉自石出四時滴瀝或呼山爲淋瀝其西有瀑布自千丈崖下有峭石曲環肖象鼻瀑布懸瀉由環出上有仙人棋盤石曰入夜或見金燈如流星千百飛墜滿野吳將軍破賊萬餘千年血結散爲磷火不足怪矣迤西則頂游山萃起巔絕如削上舊有頂游廟東北至縣十二里一曰丁峰亦曰南山又西北山陰爲赤嶺山陽爲陶嶺通祁門又西北爲觀雨坐又西北爲簸箕塢又西北爲武亭山山東北至縣十八里高二百仞西接祁門界山陰武林水出焉山故危巔削壁宋紹興庚寅邑人黃葆光鑿之始有路國朝康熙時汪天衢捐金爲石磴自安慶爲省會邑中士夫文書皆繇此道乾隆時孫洪維復易新石修茶亭爲往來坦途矣又北行爲石母山又北爲虎嶺又北行爲畫公尖又北行屬之西山由縣西望之如屏疊翠干雲特爲明

秀或曰仙山上有石中文長尺有奇如足形趾南踵北相傳爲仙人跡旁有杖痕又北行爲釣魚嶺一曰相見山奕村孔道也又東北行爲方家嶺徑大星道也又東北行東南起高峰爲發龍峯又東南下行爲千絲墜又東南爲美爵山山自楠木嶺層巒相屬脈絡甄明大峰突聳如靈鷲振翮獨昂雲霄又東南爲芙蓉嶂嶂東南至縣十二里穹岫巖整衆山環拱其陽華草錦繁飛采星燭丹青綺分特秀林表自此東南岡阜伏起爲雄雞峰逕南坑綿延至東嶽廟曰龍尾山上有聖母池碧霞元君祠祠北爲觀音巖東爲靈虛觀觀前石華表上嵌石扁宋大觀元年朱彥

記云此地去縣一里許龍尾山環之事載圖經幾千百歲

元豐中修觀乃知龍尾山名見宋前圖經信而有徵土人

僅名之曰東嶽山乘考寥落遂爾失載觀東北爲龍尾大

社正德十六年陳志云東嶽行祠在龍尾山乾隆三十一年孫志例云正德志無從購得今嘉慶甲子始得之覽

行祠之文合之觀扁社扁其證益明自龍尾山東北行當縣治南門之右縣

城循山北麓府縣志俱云包羅東岳山其失易見城內山東北行爲城隍山

東行爲縣學山自龍尾山一北行逕西門亭屬之江柏山

一東行逕將軍嶺古樓嶺屬之橫岡一逕靈虛觀南行屬

之程家莊一逕石亭東南行爲舊菴爲缸窰山

自楠木嶺東北行曰天潛山舊乘云以多隱君子讀書其

上故名一曰石林山有餐霞凹指月尖日月關諸勝下有  
 潭曰空心潭左為佛頭嶺其行七里皆老松蒼翠挈雲有  
 蒼蒼亭有鬱確屏上為觀海臺下循溪為偏閣左行為天  
 答街街轉則天答巖天答者蓋響山也又東為牌嶺牌嶺  
 東屬之休寧齊雲山牌嶺東北為復山山在縣東南三十  
 六里高二百六十仞峰孤峻石壁四絕初學記引輿地志  
 云有五硯初學記原注下根反二磔太平寰宇記云五硯二磔亦謂  
 五硯磔各本俱誤云五硯磔今依唐說訂正兩邊皆石壇中央有溝才五六  
 尺許水懸出捫蘿挽葛時有至者山陰曰復巖聳翠激流  
 為羣峰之秀舊鄉民避寇巖上寇以山上無水思久圍困  
 之鄉民投以生魚乃引去天潛山之西有山逕水村考川  
 下插坑屬之李村

自林厯山東北連山相屬三里許有金竹巖羊腸鳥道上  
 通樵路又東為黃家嶺十里至竹山下會石山林厯山東  
 行為千里山亦曰青里山千里青里音相亂也千里山東  
 行為黛峰或曰岱峰峰有塔院塔七級踞石巔其山陽為  
 從坑為托坑山陰為規竈千里山陽東行為喬嶺為魚亭  
 山咸淳志婺源浙源山北連黟縣魚亭山山在縣東南三十五里高二百五  
 十仞

自南屏山東北行為大星山山有大石或云落星所成一

曰大仙山

自虎嶺東南行爲上堂山宋紹興二十七年靈惠廟碑云其神謂之胥公乾道二年二月一日敕封顯應侯

自畫公尖東南行連岡複阜一屬之黃村一屬之古築古築村東曰東山巨石崿砢藤絡蘚積泉出石間爲石乳泉里人因之建石乳亭焉

自西山南行逕上江村東南逕下江村陳閻張墩屬之余汪村

自釣魚嶺西北行逕葉村北屬之猷徑山

自方家嶺西行爲程家山東南逕豐口石柳山

自方家嶺東北行爲霽巖北逕黃泥坑大星拄杖屬之廂口太平界

自雄雞峰西行爲金雞石南行一逕灣裏後闡閻山屬之後溪一屬之月塘一自南坑西行逕七星墩五里排舒家林黃柏塢屬之石鐘山

自霽巖東行西轉爲石益孟山山高五百仞延袤三十里有巨石廣數十丈中坳如盂西南行爲碧山有泉名靈惠清冽異於常泉山高百仞而東南爲黟山鎮與靄峰對峙或言唐李白常棲此山之麓舊有太白樓白終南詩云暮從碧山下山月隨人歸碧山卽終南謂黟碧山疑事相傳

莫能明矣石益孟山又東爲章山山在縣西北二十里其麓章水出焉循水西南出爲規溪山逕石亭歷下麻田蔡村江家段屬之沙田章山東爲九龍山南行逕湯村蓬厦泗嶺九蓮山屬之古城章山北行爲長坑山屬之太平米坑章山東北行爲牛泉山在縣北五十七里東接太平界高九百五十七仞寰宇記引顧野王輿地志牛泉嶠通商陽縣疑是南陽縣隋志涇縣本注省安吳南陽二縣入焉以今按之經緯此山自下上至頂九里一頓凡九頓山常風樹至合抱而高不至丈當頂有泉方丈餘俗云牛跑所致亦猶虎跑泉也山上僅通樵徑雖盛夏亦衣襦側徑時有磴石處蓋昔往丹陽道也牛泉山

南行爲石油山石壁巉巖宋嘉定時建山菴或云其時有石油流出供僧廚僧欲以賣錢油乃止今流泉尙有油香斷碑猶存又南行爲風來嶺風來嶺南爲戢兵山一曰戢矢山在縣北十五里舊曰石鼓山高百仞周十里新安志云唐天寶六年改爲戢兵引邑圖言有石如鼓有石人石驢諺言鼓鳴則驢鳴人哭而長官不利後鑿破遂不復鳴自石鼓山一南逕軸里北莊屬之軸上山光水色展如畫軸其村或曰蜀上蜀里一東南行逕嶺下至屏山山椒倚上其上疊石積翠東南行爲吉陽山山在縣東北十五里新安志云高二百五十仞周三十五里上有三峰竝峙亦

曰三姑山初學記引輿地志亦謂之靈山山多石三年一  
遇野火盡燒故老謂之三姑磨新安志云若非磨年百姓  
放火輒有雨又云中峰有瀑布泉寰宇記云吉陽水出焉  
又引新安記天將雨此山先有鼓角之音人以為準亦曰  
東山有仙人石仙人椀邑人舒道翁遇異人傳養生訣構  
菴山前時有雙鶴來往之異吉陽山東為石印山山上有  
石平方特起下有石燕洞幽邃可容百人昔有頭陀居此  
每擊磬則羣蛇出赴洞西有產龍石石分列一在山下一  
在山上凹龍形自吉陽南行之山盡石山挹秀橋與竹  
山下對峙吉陽山東行為東文嶺一曰東頭嶺又南行逕  
朱林下屬之石山東頭嶺東南行逕西遞東為長演嶺故  
魚亭道也又南行一屬之潯陽臺一東行屬之嶺山亦名  
石墨嶺寰宇記云在縣南十八里嶺上有石如墨嶺有穴  
中有石墨輒膩土人取為墨色碧甚鮮明可以記文字又  
云縣南十六里有石墨井是昔采墨之所今為懸水所漂  
其井轉深其實井即墨穴也今采石墨僅染皂耳或言其  
上亦有靈鼓潛發令長候之以占吉凶又東行為樵貴谷  
寰宇記引輿地志言樵貴谷在黟北昔土人入山七日至  
一穴豁然盡開周三十里中有十餘家云是秦人入此避  
地今縣北二都言有樵貴谷墨嶺下實在縣東南山峻谷

深林樾秀朗實勝境也寰宇記又言按邑圖有潛村入石  
 洞口悉為松蘿所翳每求鹽米晨出潛處宋時見有數十  
 家同為一村新安志姓氏云號為潛氏迄宋潛姓數十家  
 今無此姓矣又南行為石門山山在縣東南二十里壁立  
 數百仞下瞰溪潭鑿石為門開一徑僅通人石絕處支木  
 以行曰棧閣石門一名小劍門宋建中靖國時縣令朱天  
 錫鑄巖為字遺迹尚存今易石道又南行為桃源洞山骨  
 秀出臨水道鑿石入三尺許石崖凸出處為屋即門題之  
 為洞府縣往來官路也自樵貴谷東行南屬之石門坦自  
 東頭嶺東為源嶺又東南為靄山山在縣東南十五里孤  
 撐如削秀鄣分霄靄山之義與黛嶺同以遠望名之耳又  
舊云上有五色雲故名未見其事  
 東南為巖嶺屬之噎潭自巖嶺南行為艾坑一西南行為  
 靄岡一南行為張坑一東南行屬之界首自牛泉山西北  
 行為五溪山在縣北六十里山有五溪常有雲氣隱蔽其  
 上山半有石崖下有龍湫歲旱禱者以壺取水水涌壺中  
 者霖雨隨至其北屬之太平界牛泉山東行為羊棧嶺踰  
 嶺程十五里嶺北有數十家名樵樹下亦名拙曙驛樵樹  
 拙曙其音相亂自江寧至黔羊棧為要道向置鋪遞府志  
 云寇之自池來者警先黔羊棧嶺為捷道由此言之山川  
 阨塞實為一邑要害守土者不可不知也又北行屬之太

平油竹坑羊棧嶺南有石門嶺巖石深峭春雨後瀑布懸  
飛具有勝概羊棧嶺東行爲黃堆山在縣北三十里高十  
餘里山頂平曠昔泗洲西峰五溪三僧結茅於此有西林  
寺土人以三僧爲大聖今其上有大聖菴西林遺址也黃  
堆山南行爲雷阜或曰雷岡頂屬之韓村黃堆山東北行  
屬之厯舍黃堆山東行爲梓嶺又東北行屬之休寧潘村  
梓嶺東南行一屬之潭口一屬之珠川一屬之大周山山  
在縣東南二十二里石壁幽潔香蘭叢生一屬之天井山  
山在縣東南二十五里山麓有府均井禱雨有驗又南行  
逕程村屬之休寧西園嶺自黃堆山北行逕里仁屬之休  
寧雙嶺又東爲黃山其上接楠木嶺南屏山方家嶺爲南

### 幹山行脈

黟縣水有六一會於石山曰章山南水曰牛泉山水內有吉陽

山西曰橫江水係方家嶺水一會於魚亭曰潘山水經流有托

坑水曰金村水經流有插坑曰魚亭水而石山以上水會之

一會於靄岡曰靄山水一會於休寧東亭橋曰羊棧嶺南

水內有吉陽一會於休寧東夾溪橋曰東坑水而東亭以

上水會之以下爲新安江一會於石埭河口曰方家嶺北

水曰章山北水曰羊棧嶺北水以下入於大江

章水出章山南逕章溪石盍孟山水自西北來入之南逕

規溪山石犂确水行如在規中至碧山東下逕何村東南行逕歷下舊曰歷陽里或曰勒下其地有唐建精林院又東南逕榆村至雙溪而石盞孟山西水來入之石盞孟山西水東南行東北納東小水曰霽頭水逕芙蓉嶂東下為塢口又東南逕百戶百戶有三明王用從太祖戰死敵世襲百戶蓋子孫以其爵名村矣又東逕黃衣坦又東入章水曰雙溪雙溪下有石堤明嘉靖時知縣周舜岳建以捍水梁時橫岡胡氏開注引水入今城之西北隅而出迎靄門西達於黃姑墅收浸灌稻田之利曰槐溝亦曰淮渠今渠注出居民屋下歲二月啟濬以為常章水又東北行逕

和尙塍上塍一日効城西隅余種德築也其故渠北行東逕長

生橋會於古溪塍成涸出田升科而章水東南逕城北門

下又逕城東梅溪又東南至江家段沙田會牛泉水

牛泉水出牛泉山南行逕石鼓山風來嶺水自北來入之

又南行蓬廈水自西北來入之又東南行北莊水自北來

入之又東南行逕朱村屏山水自西北來入之又東行為

吉陽山西水吉陽亦曰三姑山昔有三女飛行吉陽水上

或叩之曰余石埭人也遂不見水上有三鯉魚見黟縣山水紀畧

案之圖書石埭有舒姑山山上有池舒姑性嗜聲音化為

水聞歌則泉涌洄流有朱鯉一雙見文選劉孝標重答劉秣陵沼書注引宣城記

云臨城蓋山即今石 以此求之三神女殆舒姑歟又西南

行逕古城又南逕古溪湖洋坑水古城水自西來入之又

南至沙田會章水又南逕東山不過橫岡橋東舊志過噎潭白茅渡

合橫江合章水謂在石山上者非也今按地里補正於會東亭羊棧嶺水條中又新安志云吉陽水至白茅渡入縣

界是休寧界羅會橫江水

橫江水出方家嶺南東源許思坑西源冷水坑合流東南

逕程家山又南逕豐口為豐溪又南逕胡村納霍溪水霍

溪水出釣魚嶺北會於胡村為橫江水南行逕後闡又東

南逕陳閭山下又東南逕後溪至余村月塘水自西南來

入之合武林水武林水出武亭山下武林浙水源也黟一

曰桃源土人因目武林水為武陵其水東逕官路下又東

畫公尖南水泉石嶺水自北來入之又東行南納赤嶺水

北納黃村水又東行過古築頂游山水自南逕下洪山來

入之畫公尖北水自西北逕烏石注西干來入之又東陶

村水自南來入之陶村在頂游山東北其居曰五柳社靖

節里或曰黟有桃源有武陵陶村淵明後裔也又東行逕

葉氏萬松亭旁有醴泉其地獨高南屏山水自南來入之

又東行林歷山水自南來入之又東行至汪村合方家嶺

水東行逕柏林村又東行過閭塌水當縣治南橫江所由

名也瀾文波色浩漫回洋矣又東北行過葉家灣會章水

牛泉水東行至石山

石山會三大水在縣東南十里連山夾峙播液發靈清淺則鳴漱盈滿則奔駛東至潘山東頭嶺水自北來會之潘山水出東頭嶺南逕西遞東又南西遞西水自北來入之西遞在府西舊爲鋪遞所又南長演嶺西水自東來入之山壤樹木蒙密春花上浮木杪望之不見土石又南過十里鋪橋又南出潘山東行托坑水自南來入之又東逕黛峰形家言謂之羅睺星臨水峭立壁岸無階橫岡吳氏所買山也由西南上陟盤嶠挺乾隆戊申上建塔院曰文峰塔會經流逕規竈環濤轂轉迴沈滌浥金村水自北來入之

金村水出長演嶺南會石墨嶺西水逕金村出規竈又東爲潯陽山後舊有龍屯依山踞崖泓水澄澈人屢擾之龍乃徙去潯陽水中有釣臺矗立波際邑人程學禧等於崖閒新開魚亭路構亭以息行人山色延清波流激素就總者多忘返矣又東逕金鐘潭俗言黃堆山西林寺舊有金鐘朝旨昇進至此沈水金石交不能解遂棄之用名此潭其水清激自傳虛籟耳世俗妄談固難究詰潭水東滙墨嶺東水自北逕樵貴谷來入之其地舊有桃源書院歲久傾廢水出又東逕桃源洞石欄緣壁穴道嵌空山水清幽

翛然有塵外之槩又東插坑水自南來入之又東南逕石門坦石門山水自北來入之又東南行至魚亭會魚亭水亭在縣東南三十里在魚亭山北五里寰宇記云西江魚船至祁門縣舍舟登陸止此山東水次淹留待船故云魚亭焉咸濱志案黟舊有四亭八墅魚亭其一也方輿所說似以爲停留之停未知果否今案亭本取停留義咸濱志之言疑所不必疑矣魚亭水出楠木嶺東行至水材會黃荆菴山千里山水東行逕喬嶺瑪川至魚亭出永濟橋東南行逕龍鳳灘灘上舊植楊樹數百株濃綠成陰又東南考川水自西南逕李村牌嶺水自南逕霞阜來入之又東行會靄岡水

靄岡水出源嶺南逕上坑又東南逕靄山東又東南逕蒼竹林又南逕艾坑又南至靄岡會經流又東復山水自南來入之又東入休寧縣界

休寧東亭橋在黟縣界東十里納黟羊棧嶺南水水出羊棧嶺南南行逕盧村牛泉山東北水考溪源水自西北來入之又南逕際村邕溪源水自東北來入之又東南行逕韓村南南湖水自北來入之宏村汪氏分引邕溪源水瀦爲南湖堤上植桃柳其水淵渟菱荷掩映鱗清可數湖東偏有石特高起湖水由堤下出又東南行橫山梓嶺水自東北來入之又東逕竒墅又東爲魚山溪又東逕社禾木

坑水自北來入之吉陽山東水自南來入之又東南逕潭口阜嶺水自北來入之又東行珠川水自北來入之又東南逕木魚大塢水自西來入之又東逕王村王塢葉村水自北來入之又東南行源嶺東南水吳村水自西來入之又南逕程村府均水自北來入之又南逕噎潭潭在縣東南三十五里石壁削立水觸石盤渦面狹底闊深不知尋丈宋嘉定中郡守以歲旱遣官禱雨有靈驗為立龍神廟潭南岸有怪石三數卓立如人鄉人呼為石新婦又南行出東亭橋休寧謂之北源水至白茅渡會霽岡水


休寧東夾溪橋在黟縣界東三十八里故黟地納黟東坑水水出東坑東行逕里仁又東南行夾溪歷舍水自西來入之又東南行梓坑水自西來入之又東行入休寧潘村界阜嶺北水自南來入之又東逕余村藍田出東夾溪橋休寧謂之夾源水會經流下流為新安江

會於石埭河口者黟之方家嶺北水水逕王村磴徑墩上水自南來入之又北逕大星奕村水自西來入之東行逕拄杖廂口或作湘口舊志疆域誤作湖口出太平橫潭又東行為河口

章山北水北逕章溪出水案長坑水自西來入之又北逕太平登塔橋又北會河口

羊棧嶺北水出嶺上逕榷樹下北逕太平油竹坑橫潭會

於河口以下入於大江



都圖

黟俗族居者曰村其係屬於村者曰莊顧莊居亦有舊族如程家莊北莊是也前人重族姓其有係屬者所居俱不入志乾隆三十一年志載鄉都不分別舊村新莊或且以爲不審夫人以地著戶口日增所居宜詳爲釐載以備盛世版籍不當妄爲增減古者奠民居曰司空若曰空者實之則民居日冀其多謂新村不宜載者非也志乘在史部應詳原流或欲刪舊志村名或欲以舊村與新村並書皆非也今詳列其村爲某年所增上足以見

國家休養滋生之盛下亦足爲邑人考證村莊族姓之益

至村名異同亦備著之

宋立四鄉二十里縣治及西北曰會昌鄉其里六曰連城  
里嘉祥里歷陽里延福里蜀里敦義里縣西南曰懷遠  
鄉其里五曰昇平里靖節里安寧里新城里豐樂里縣  
東南曰新政鄉其里五曰清德里明德里魚亭里東亭  
里雲巖里縣東北曰順仁鄉其里四曰古城里長寧里  
懷仁里順化里

元無考

明立四鄉十二都洪武二十四年編二十四里後增為四  
十三里宏治十五年為二十六里至  
明末為四十三里以里為圖會昌鄉為一都六

圖二都三圖三都五圖十四里順仁鄉為九都五圖十都

三圖十一都二圖十新政鄉為六都五圖七都三圖八

都二圖十懷遠鄉為四都四圖五都三圖十二都二圖

九里共四  
十三里

國朝立四鄉十二都順治時四都增第五圖後遞增二都  
至六圖倍於明其二都第六圖則嘉慶十三年合晰戶  
呈增者村居散於各都惟戶籍屬二都耳今冊載晰圖  
外共五十六圖

一都附城分會昌鄉地其圖六其村蔡村今作  
舊村江柏

山今作  
柏山勒下即歷  
陽里麻田以上嘉靖四  
十五年定何家店

江干段亦作江家段 山頭 田段 高祈 魚鱗塆

新屋下 石村 湖洋坑 塘背 松嶺亦作樅嶺

石亭 黃泥片 雞頭山 瑜村 上元鋪 裏村

雙溪口 廟下社 石門下 邱家坂 寨下

山背以上乾隆三十七年增 大寬段 潘村以上嘉慶十六年增

一都分會昌鄉地其圖六其村江村 蓬下或作龐村或作蓬廈

北莊 蜀里 梘溪 樟溪為章水源應作漳溪 何坑康熙

二十二年王志作何坑 蜀上 白干 容干 東山 山巍

壟 沙田以上嘉靖四十五年定 秀里山名四嶺 龍盤橋 八

社 野上 湯村 查村 敦頭今作東臺 查家嶺

上盛 林村 水村 西塔 榨裏以上乾隆二十一年增

三都分會昌鄉地其圖五其村黃陂 府基隋歙州治 水

湖寨 雙溪 黃衣坦以上嘉靖四十五年定 方家坂 汪

村即黃陂 沙園 何村 土地堂汪村 後深坑汪村

地 竭口 下麻榨 百戶有 際頭 下長坑以上

乾隆三十一年增 墩田村

四都分懷遠鄉地其圖五其村陳閣 古築 黃村街

百石墩順治十二年賣 鮑村 後闌今作厚善 官

路下亦作關麓下 泉山嶺以上嘉靖四十五年定 新安田舍即西

千田 舍 黃牛坑今作黃仁坑 西武嶺脚 查村 上江

村 下江村 二江村即洪干今作光村 灣裏 今作安里 鮑家林

牛矢坦 大山 西嶺培 岡背 以上乾隆三十一 山

口 絳霞村 長嶺 霞莊 以上嘉慶十六年增

五都分懷遠鄉地其圖四其村田段 順治十二年實志作柏林 汪

村 余村 程家莊 舊菴 胡村 順治十二年實志作胡村廟

陶村 赤嶺 或作澤臨 中墩 月塘 村心 舊為村心鋪以

上嘉靖四十五年定順治十二年編次柏林汪村余村舊菴陶村赤嶺中墩月塘村心程家莊胡村廟

下五山 垓上 新田 廟背 高橋村 閭塌

黃家嶺下 樺樹下 金家嘴 缸瑤山 今作瑤山

舒家林 新菴 金珠里 黃柏塢 以上乾隆三十一年增

鍾山 閭山 胡村舊里 新溪 上鮑 以上嘉慶十六年增

六都分新政鄉地其圖五其村橫岡 即古黃姑墅 西遞

靄山 大塢 石山街 彭田 塘頭 東山 沙

田 以上嘉靖四十五年定 小塢 田段裏 葉家灣 長演

嶺 金家村 棧閣嶺 桃源鋪 插坑 青里山

一名千里山亦作清冷山 山背 托坑 從坑 朱林下 何

村 木魚 今作慕虞 徐村 源頭 嚴頭 謝坑 上

坑 胡坑 前靠 苦竹林 以上乾隆三十一年增 坎下

巧桑 石頭坦 林村 以上嘉慶十六年增

七都分新政鄉地其圖四其村魚亭街 傅山 今作復山

汪村 霞阜村 李村 考川 轎嶺今作喬嶺 柳

木嶺下今作楠木嶺 歐村 瑪川順治十二年編次歐村瑪川榔木嶺餘同

靄岡 許村今作水村以上嘉靖四十五年定 周村康熙二十年定

英山 河東 艾坑 張坑今作璋坑 界首 裏外

今作里安 上坦 下坦 小河 石板橋 方坑 下

杭坑今作下璜坑 插坑 下凹 金嶺今作金凌 殷溪口

今作殷坑口 牌嶺 石門坦以上乾隆三 下塘坑

盈川 潁川 溪灘 管山下 吳村頭 拔村

風水坳 葛坑以上嘉慶十六年增 八都分新政鄉地其圖四其村葉村 汪村 程村

吳村 王村 府均 王塢 朱川今作珠川 潭口以上

嘉靖四十五年定 社禾 裏村 石孟 楊林 烏頭塆

竹林下 梅坑 虎嶺下以上乾隆三 塘子坑

九都分順仁鄉地其圖五其村屏風山 瑞村 金釵

金村 朱村 古城 黃村 史村以上嘉靖四

舒村即屏山 朱家灣即朱村 塘裏 桿背 胡尚

莊 魚山溪 西坑 古溪 高山 菴裏 楓樹

峰 桐坑 下灣坑以上乾隆三 溪邊嘉慶十

十都分順仁鄉地其圖三其村謝村街康熙二十二年

韓村 奇墅 萬村 里田 樾樹下康熙二十

十一 嶺下 康熙二十二年改入十一都以上嘉靖四十五年定 梓川 夾

溪 厯舍 以上康熙二十二年定 宏村 西頭 藩鍾山

橫山 叶里 梓嶺村 溪頭 方坑 以上乾隆三十一年增

殿山 魚山嶺下 以上嘉慶十六年增 盧村 郭村 以上嘉

十一都分順仁鄉地其圖三其村 盧村 郭村 以上嘉

五年定 謝村街 今名際村街 樞樹下 一名朮曙下舊為朮曙鋪 嶺

下 以上康熙二十二年定 嶺頭 葉村 羊棧嶺 考溪

羅坑 韓家坑 石鼓寺 以上乾隆三十一年增 邕溪 牛

泉坑 官鋪街 以上嘉慶十六年增

十二都分懷遠鄉地其圖二其村大星 景星 亦作景溪

豐口 胡村 亦作梧村 楊迎橋 順治十二年黃 黃連

坑 張村 黃連寨 汪村 柱杖 楊林 湘口

亦作廂口 洪徑 以上嘉靖四十五年定順治十二年編次張村汪村柱杖黃連坑楊林湘口洪

徑黃連寨餘同 墩上 菴前 楊徐灣 塘灣 茅栗灣

洋澗墩 何村 塘坑口 葉村 或作奔村即景溪 龍

雁 孫志誤作龍鷹 霍溪 西山 高山 打石壑 晏

頭山 程家山 十里坑 以上乾隆三十一年增

地理志


風俗

徽故越地禹之苗裔散處其中故人多菲嗇盡力溝洫有禹遺風黟地狹隘益儉嗇

士大夫多尚高行奇節宋以來如黃元暉程元誠諸公在朝在外多所建樹史冊炳如也

黟地狹土瘠士多貧遠館外邑不憚勞婦女挫鍼治紉紡績以佐焉

土剛不化農人終歲勤劬畝收不給多遠取於池饒貧不



能負者採巖谷薇葛以充腹  
家多故舊自唐宋來數百年世系比比皆是重宗誼講世  
好小民安土懷生卽貧者不賣俵子流庸婚配論門高治  
袿裳裝具量其家以爲厚薄重別臧獲之等卽其人盛貲  
厚富行作吏者終不得列於輩流  
女子尤號能儉居鄉者數月不見魚肉黠祁之俗織木棉  
同巷夜從相紡績徽俗能畜積蓋亦由內德焉  
俗尚氣好鬪訟起秒忽而蔓延不止然澹謹之民畏法守  
分不敢望見官府顏色者亦不少也

徽州聚族居最重宗法黠地山逼水激族姓至繁者不過  
數千人少或數百人或百人各構祠宇諸禮皆於祠下行  
之謂之廳廈居室地不能敞惟寢與樓耳族各有眾廳族  
繁者又作支廳富庶則各釀錢立會歸於始祖或支祖曰  
祀會廳與會惟舊姓世族有之  
喪禮殯殮於眾廳者十姓而九親族送弔儀并餉以素食  
恐哀戚之餘未及舉火至來弔唁者亦皆素食今喪祭或  
亦參用文公家禮能不信淨屠之法  
俗多聯會賽神汪公華張公巡許公遠昔以防禦有功德  
於民關聖帝周宣靈王以忠孝爲民所奉康公深則自山  
右與張公巡爲黠人迎歸者並稱張康菩薩最靈顯張公

巡為太子舍人西安糖坊街有朱碑稱張巡為三太子黟人祀張公巡又祀三太子城中迎祠山張大帝云嗜牛肉見宋史范師道傳凡黟之聯關賽會者或六關或十關歲時迎送於祠廳與會者歲合息所出盛飾儀衛演劇娛神飲福受胙舉竿相勞或用不敷至派丁錢以從事即借質亦不悔也

冠笄獨行古禮吉期既定富者先期三日貧者先期一日主婚者延賓男取老成厚重有首妻子孫者女取靜淑有子舉案齊眉者黎明布席焚香延賓為男冠女笄禮成醴賓女既笄則母以客禮待之男女家皆告廟男送輿女升輿皆於眾廳醴婦歸寧皆如古法

往者戶口少地足食讀書力田無出商賈者本正德陳志徽郡

六邑評所謂黟縣男耕女績麻蓋紀實也

國朝生齒日盛始學遠游權低昂時取予本實志為商為賈

所在有之習業久往來陳椽資以衣倉家居務儉樸城市

無茶館酒肆衝處僅有之亦苦茗一盂無衣冠人至不足

言館

地多山水故土薄擇葬地實難而形家說又雜出或不僅求安且欲以求福利至親沒不即葬多為厝屋至有覆茅茨者歲久將不能葬今嚴為示禁且量助以貲或冀此風

稍改

祈禳者先期聚人伐金鼓吹哨作怪誕聲舞械器驅索於市名曰請猖乾隆丙戌時曾嚴禁止近於祈賽常節稍示節制而新起城隍會以人貌鬼教羣小兒跳躍前導在俗為敝法所必禁

附禁示

為嚴禁會期扮演鬼卒以敦風俗事照得十月初一日恭值城隍神會闔邑人等燒香酬愿原所不禁茲訪得有等好事之徒扮演鬼卒聲狀百出甚或塗脂抹粉巧裝女鬼徹夜街遊擾惑人心廢失事業殊為風俗之累黷邑民風素稱淳樸並無此等積習特因近年來效尤他處矜奇鬪靡不惜錢財不務寧靜皆由無知之輩為此無益之舉紛紛擾擾日甚一日伊於胡底殊不知神道聰明正直斷不喜人諂媚且鬼神靈爽昭布森列

察人善惡何時不可陟降何地非所式憑豈待扮演邀遊徒滋雜揉褻越於肅清誠敬之道亦甚乖違允宜嚴切飭禁為此示仰闔邑人等知悉嗣後凡遇城隍出巡之日爾等虔敬焚香惟照向例爐亭旗繖鼓吹導從伺應巡行以昭誠恪須知為善去惡便是求福禳災非假飾逢迎所可倖邀苟免此理甚明眾所共曉斷不許扮演鬼卒並裝女鬼上賣神明下惑風俗自示之後倘敢違定行重究特先期兩月嚴切曉諭庶使人心不惑風俗還淳並著該捕保等查察禁止倘有不遵許即指名稟案以憑究懲決不寬貸如敢稍有徇隱屆期致被拿究恐該捕保亦不能當其咎也各宜稟遵毋違特示  
嘉慶十六年七月二十八日

物產

號物有萬而以關於民生日用者為要黔地狹且瘠固無異產奇珍然自墾山力田以及園圃禽魚藪牧之孳生土不曠利自不遺故物非黔之所有無事贅舉其為黔所有者占候栽培長養收藏飼養療治之法備採輯之使人知所適用較舊志未免過繁亦愛博者所不廢也

穀之屬

稻穡穀通名一名秣爾雅云秣稻也郭璞云沛國呼秣有稗有糯稗者硬也糯者黏也秣稻不黏者秣則方言稻音之轉爾新安志新安之穀大率宜秣而不宜秣土人謂秣

為小米稅為大米其名有三穗子

農人謂之三百粒六旬稻農人謂之

六十日又有大白歸生小白歸生紅歸生米粒紅成熟早然

不廣植少蒔以接糧耳有桃花紅穀粒微紅而米正白亦

先熟梁新安太守任昉去郡惟有桃花米二十石者是也

有冷水白筆頭白臙脂稻紫芒稻占禾禾本出占城國其

種宜旱大中祥符五年詔遣使福建取三萬斛并出種法

布之江淮浙閩亦曰旱稻黥地糯有金釵糯青稗糯羊脂

糯草鞋糯白矮糯白矮釀之多得酒金釵糯以七月熟米

亦佳釀之可及社節稻之名不一然非水則無以生種藝

之法宜近水源鑿陂塘以瀦之置隄閘以蓄洩之為漑田

也三月種者為上時四月上旬為中時中旬為下時種時

先放水十日後曳碌礮十遍遍數以多為良地既熟淨然後下種

候秧生五六寸拔而蒔之高七八寸則耘之耘畢放水瀟

之苗既長茂薈去稂莠相土所宜者而糞之欲秀復引水

浸之及時而收穫之早刈米青而不堅晚刈零落而損收崔寔曰三月可種

稞稻美田欲稀薄田欲稠

麥秋種夏熟一名來一曰小麥具四時中和之氣兼寒熱

溫涼之性黥之地黑孝經援神契云黑墳宜麥汜勝之書

曰種麥得時無不善其名有早麥中期麥青光麥高頭麥

長穰麥麩厚而麩少赤殼麥麩薄而麩多崔寔曰凡種大

小麥白露節後種薄田秋分種中田後十日種美田穡麥  
早晚無常種須簡成實者棉子油拌之則無蟲而耐旱宜  
肥地土欲細溝欲深種欲勻喜糞有雨佳諺云無雨莫種  
麥又云麥怕胎裏旱又云要喫麩泥裏纏春雨更宜若三  
春有雨入夏時有微風此大有之年也

大麥一名牟麥一作麩莖與小麥相似色深青而外如白  
粉芒長殼與粒相黏未易脫不宜麩惟碾米釀酒卷芽作  
錫而已陰陽書曰大麥生於杏二百日秀秀後五十日成  
生於亥壯於卯長於辰老於巳死於午惡於戌種忌子丑  
日若天旱無雨澤則薄漬麥種以酢漿并蠶矢夜半漬向  
晨速投之令與白露俱下酢漿令麥耐旱蠶矢令麥忍寒  
麥生黃色傷於太稠稠者鋤而稀之麥熟時帶青割一半  
合熟割一半蓋麥熟同時不比別種熟有先後若候齊熟  
一遇風雨必致拋撒刈過即曬乾恐生蛾密苦蓋以防雨  
不及載者坡下苦之乘晴明旋刈旋打揚淨收起即未淨  
俟所收打徧再打之大抵農家之忙無過蠶麥若遷延過  
時秋苗亦誤故有收麥如救火之諺  
蠶麥大麥之早者蠶與蠶同一曰元麥作麩色黑鷺之調  
倉不堪作飴其穗芒均似大麥

蕎麥字亦作苽赤莖綠葉白花黑子立秋前十日內種之

收刈時對梢相搭鋪之其白者漸變爲黑乃爲得所若待上梢黑下半段子盡落矣

雀麥一名燕麥一名杜老草苗葉似小麥而弱其實似穰麥長而細苗煮汁滑胎唐劉禹錫所謂兔葵燕麥動搖春風是也

麻有實者別名苴無實者別名臬子夏喪服傳曰苴經者麻之有蕢者也牡麻者臬麻也蕢卽實牡則無實之名然此類亦通名麻臬故或以蕢爲臬實蓋假借言之爾高四五尺花黃子房生實有文理故屬金爲西方之穀月令秋食麻與犬朱子詩傳麻子可食皮可績爲布陳風漚麻先以水漬之使柔韌也豳風叔苴孔疏麻九月初熟拾取以供羹菜納穀又有麻收穫以供常食齊民要術云種麻欲得良田耕不厭熟縱橫七遍以上則麻生無葉衡從其畝蓋古法也初生數日嘗驅雀葉青乃止布葉而鋤之高一尺以蠶矢糞之良子大於胡麻又謂之大麻

胡麻漢張騫從大宛國得麻種曰胡麻亦曰脂麻莖圓而房稜或四或六其色黑而莖方房八稜者名巨勝有早中晚三等有白黑褐三色望前種實多而成望後種子少多秕每畝二升取沙土拌和之則入地勻宜甲子壬申丙子壬午日種忌西南風一云夫婦同種則茂

粟梁也粒粗穗大毛長為梁粒細穗小毛短為粟有早粟  
寒粟赤稈青稈之異蓋梁之細者稈三四尺中空有節細  
而矮葉似蘆

稌一名蘆粟一名木稷一名菽梁以種來自蜀亦名蜀黍  
種不宜卑下地春日早種得子多秋收莖高六七尺粒大  
如椒紅米細堅熟時先刈其穗藍成攢束而立之方得乾  
米可釀酒作餌

包蘆一名玉蜀黍一名玉高粱種出西州其苗葉俱似蜀  
黍而肥大過之亦似薏苡莖高六七尺七月開花成穗如  
秕麥狀葉閒別出一苞如椶魚形苞上出白鬚垂垂久則  
苞拆子出顆顆攢簇子亦大如椶魚子黃白紅紫各色俱  
有煮粥炊飯磨粉作餅無所不宜救荒療饑必需物也亦  
可炒食炒折白花如炒拆糯穀之狀

稗禾之卑賤者也野生亂苗其莖葉穗粒如黍稷一斗  
可得米三升稗苗似稗而穗如粟有紫毛即烏米也爾雅  
謂之莛音迭救荒本草曰稗有水稗旱稗苗葉似稗子色深  
綠根下葉帶紫色梢頭出扁穗結子如黍粒茶褐色味微  
苦性溫以煮粥炊飯磨麪皆宜且能益氣救荒故曹彬有  
芳菰精稗之稱

稗子一名龍爪粟一名鴨脚稗稗乃不粘之稱也稗子生

水田中及下濕地葉似稻但差短至頂抽莖有細花結穗似稗穗其子如黍粒大茶褐色擣米炊飯磨麩作餅可以救荒本草曰穆子四五月種之苗如菱黍八九月抽莖有三稜如水中蘆草莖開細花簇簇結穗如粟穗而分數歧似鷹爪內有細子赤色其稗甚薄其味粗澀

豆菽也大豆謂之戎菽有黃黑數種苗高二三尺蔓生莖葉蔓延葉團有尖色青上有小白毛五月底開花成叢結莢長寸餘多者五六粒亦有一二粒者小暑後成熟大暑則全收矣白色者黠產最廣其豆可食可醬可豉可油可腐腐之滓可飼猪年荒人亦食之油之滓可糞地其可然葉名藿嫩時可爲茹六月黑豆人家不多種閒或有之大黑豆另一種味甘而香十都沙蒿嶺裏山有回鶻豆自東頭嶺過大溪則種八月黃而無六月白矣種植之法社前後下種上旬種則花密莢多宜甲子丙子戊寅壬午日忌西南風及申卯日肥地宜稀薄地宜密纔出便鋤草淨爲佳使葉蔽其根則不畏旱獲宜晚莢赤莖蒼葉微黃方獲綠豆綠以色名也作菘非圓小者佳大者名植豆功用頗同四月下種苗高尺許葉小而毛至秋開小白花莢長二三寸有三種粒粗而色鮮爲官綠皮薄粉多粒小而色暗爲油綠皮厚粉少早種者名摘綠可頻摘也遲種者名

拔綠一拔而已性甘寒無毒肉平皮寒用宜連皮解一切金石草木毒可作豆粥豆飯豆酒鬻會水泡磨粉作一切素饌亦可喂牲畜種宜麻地種之太早不生莢若其年李不蛀則豆有收忌卯日下種

豌豆務本新書二三月種諸豆之中豌豆最爲耐陳又收多熟早豆角先摘充饌舊時莊農往往獻此嘗新蓋一歲之中貴其先也

赤小豆一名紅豆處處種之夏至後下種苗高尺許葉本大末尖至秋開花淡銀褐色有腐氣莢長二三寸視綠豆莢稍大色微白帶紅二青一黃時收之味甘可炒可煮可入粥飯可作麪食餡并可入藥凡方書所用赤小豆卽此今肆中所賣半粒紅半粒黑者乃詩家所用紅豆一名相思子也用之誤人

蠶豆一名胡豆太平御覽云張騫使外國得胡豆種歸今南北皆有之八月下種冬生嫩苗可茹莖方而肥中空葉如匙頭圓而下尖面綠背柔厚一枝三葉二月開花如水墨色結莢連綴收其子兼可備荒味甘平快胃和臟腑解酒毒黠俗謂之北豆猶之倭瓜黠人謂之北瓜而北人謂之南瓜也

豇豆一名降雙紅白二種處處有之出六都葉家灣者佳

穀雨前後下種者六月收一年可兩收四月種者七八月收一種蔓長丈餘一種蔓短懸架則蕃衍莢長者一二尺生必兩兩成垂有習坎之義

菹豆本名扁豆一名蛾眉豆二月種蔓生人家多種之以竹木作架為棚每叢三枝一居頂二對生一枝三葉亦一居頂二對生葉大如杯團而有尖花有紅白二色花卸而莢現纍纍成枝一枝十餘莢白露後實更繁衍嫩時煮熟作蔬老則收子煮食子有黑白赤斑數色白者更勝清明下種蓋以草灰不用土覆則皆生占驗書芒種前菹豆開花主水

蔬之屬

芥一名辣菜一名臘菜其氣辛辣有介然之義又可過冬也有青芥紫芥白芥之類他如石芥花芥皺葉芥皆菜之美者務本新書云芥子宜秋前種三月開花結莢一二寸長子如蘇子色紫味辛收子者即不摘心又有春種夏熟者地有南北寒暖異宜種植早晚各隨其俗

芹楚葵也一名水英有水芹旱芹赤白二種二月生苗其葉對節生似芎藭中空氣味芬芳堪作菹食齊民要術芹收根畦種之常令水足尤忌潘普官切浙米汁也泔及寒水澆之

則死性易繁茂而甜脆勝野生者白芹尤勝

葱一名芘一名菜伯有數種一種凍葱即冬葱夏衰冬盛氣味辛辣齊民要術收葱子必薄布陰乾勿令沍鬱一畝用子四五升炒穀拌之畦種宜與地平勿太深太高凡栽葱去穴鬚曝稍蕪疏行密排猪雞矢和粗糠壅之良地三剪薄地再剪剪宜平旦避熱

韭一名草鍾乳一名懶人菜叢生青翠八月開小白花成叢斃作茹最益人崔寔曰正月上旬辛日掃除韭畦中枯葉七月藏韭菁四時類要九月收韭子種韭第一番割棄之栽作行令通鋤割一徧以耙耨之令根不相接葉潤如薤

薤本作薤一名薑子一名火葱一名菜芝韭類也葉似葱

而有稜氣亦如葱體光華露難著齊民要術薤宜軟白良地三轉乃佳二月三月種率七八支為一本

支為一本種薤者四支為一科然支多者科圓故以七八為率則肥白薤子三月葉青便出

未青而出者肉未滿令薤瘦燥曝按去莖切去彊根

留彊根而濕者即瘦細不得肥也先重耨耩地壟燥培而種之

薤性喜穢荒則羸瘦五月鋒八月初耩

不耩則葉不用翦翦則損白供九月十月出賣

經久不其根煮食其根煮食

芣酒糟藏醋浸皆宜

耨犁也下種具一日耨車狀如三足耨且行且搖種乃隨下耨耕也又耕畦謂之耨

地理 物產

蒜一名葫一名大蒜葉如蘭莖如葱根如水仙味辛處處有之崔寔曰布穀鳴收小蒜六七月可種小蒜八月可種大蒜四時類要種蒜作行下糞水澆之務本新書蒜畦種每窠先下麥糠少許地宜虛春暖則鋤拔臺時頻澆澆食之解暑毒

蓀葵一名香葵一名胡菜處處種之莖青而葉柔細有花味亦辛香子葉俱可食齊民要術胡葵宜黑軟沙地三遍熟耕一畝用子一升疏密得宜六七月種先燥曬欲種時布子於堅地一升與一掬土和之以脚蹉令破作兩段則易生下種後非連雨雖一月不生博聞錄胡葵必用月晦

日晚下種

蒼蓬本名軍達唐世與頗棱自外國來作畦下種亦如蘿蔔法二月種之四月移栽於園枯則會留會不盡者地凍時出於暖處收藏來春再種取其莖爲灰淋汁澣衣則色白如玉

菠薐本名頗棱一名波斯草一名紅根菜出西域頗陵國菠薐蓋頗陵之轉聲也秋社後二十日種將霜時馬糞培之以避霜雪十月內沃以水可備冬蔬博聞錄菠菜過月朔乃生下旬種之月初卽生正二月皆可種味甘滑調中下氣解酒毒

莧凡六種赤莧白莧人莧紫莧五色莧馬莧春三月種葉如蘭莖葉皆高大易見故名莧開花成穗穗中細子扁而光黑與青箱子無別留會不盡者八月收子

白菜一名菘諸菜中最堪常會有二種一種莖圓厚微青一種莖扁薄而白又一種來自涇縣者肥大而厚一本重數觔八月畦種沃以糞水最易長大二月開黃花如芥花三月結筴亦如芥立冬後醃藏之至來春味甘滑利腸胃止嗽和中酸齋水一盞調新煨瓦蟬子末三錢治肝氣痛垂絕者有效

蒿苳先用水浸種一日於濕地鋪襯置子於上以盆碗合之芽微出則種春正二月種之可爲常會秋社前一二日種者霜降後可爲醃菜

同蒿莖肥葉綠有刻缺四月起莖高尺餘開花深黃色狀如單瓣菊花易繁茂味甘滑最爲佳品肥地治畦如種菜法二月及秋社前十日俱可種如欲存種留春菜收子油菜卽芸薹道家爲玉葦之首漁亭霞阜人家多種之冬種春開花黃如金當未花時采會其莖則旁枝愈茂花開愈繁一畝可收子二石藟可供薪子可榨油油味甚香美其滓兼可糞田實蔬中要物也

蘿蔔一名蘆菔一名紫花菘一名葵一名土酥出三都者

佳有長圓二種紅白二色莖高尺餘苗稠隨時取食令稀  
 則根肥大四時類要種蘿蔔宜沙軟地五月犁五六遍六  
 月六日種鋤不厭多旱則澆之生沙壤地者脆而甘生瘠  
 地者堅而辣根葉皆可菹可醬可豉可醋可饌味辛甘下  
 氣消穀利膈寬中

芋葉似荷而長不圓根白可食莖亦可作羹及菹大者名  
 魁務本新書芋宜沙白地地宜深耕二月種為上時相去  
 六七寸下一芋芋忌三月眾人來往眼日多見井聞刷鍋  
 聲處多不滋息若以滾漿水煤過曬乾冬月鬻食味勝蒲  
 筍農桑輯要註云芋可度凶年今中國多不以此為  
 意至有水旱蟲疠之災便致餓芋知而不種惜夫

山藥原名諸蕢一名莢一名玉延黠地產者勝葉似牽牛  
 實如雷丸其實生葉間謂之零餘子務本新書種山藥宜  
 寒食前後沙白地區長丈餘深闊各二尺少加爛牛糞與  
 土相和平勻厚一尺揀肥長山藥上有芒刺者折長三四  
 寸鱗次相挨臥於區內復以糞土勻覆五寸旱則澆之得  
 濕而止頗忌大糞苗長作架扶之霜降地凍掘出將蘆頭  
 另窖來春種之勿令凍損  
 蕨一名鼈處處山中有之二三月生芽拳曲狀如小兒拳  
 長則展開如鳳尾嫩時無葉採取以灰湯煮去涎滑曬乾  
 作蔬味甘滑薑醋拌食亦佳根擣之可澄粉饑歲賴之

茄一名落蘇有紫青白三種老則黃如金來自暹羅葉如蜀葵有刺開花時摘其葉布通衢規以灰令人踐踏之則實繁齊民要術種茄子法茄子九月熟時摘取擘破水淘子取沈者速曝乾裹至二月畦種著四五葉兩時帶泥移栽之若旱無雨澆水令透乘夜栽之晝以席蓋不見日則易長

瓠匏也一名萼姑蔓生作架引之則結實圓正亦有就地生者大小不一種有柄長尺餘者有作亞腰者葉圓花白甘苦不同四時類要種大葫蘆法二月初掘地作坑方四五尺深亦如之實填油麻綠豆豉及爛草等一重糞土一重草如此四五重再填糞土滿下種於內待生後揀肥好者每三四莖相貼著貼處以竹刀割去半皮用麻皮纏縛如接樹法待相連除去二三頭止留一本則盛一斗者可變而爲盛一石矣

瓜附地蔓生亦有作架者莖空有毛葉大而綠亦有毛種類甚多有黃瓜稍瓜菜瓜絲瓜東瓜北瓜南瓜西瓜惟西瓜駮地不產齊民要術種瓜率兩步爲一區坑大如盆口深五寸以土壅其畔如菜畦形踏令平正以瓜子十枚徧布坑中以糞土覆之至期草生瓜亦生莖葉肥茂異於常者日以清糞水灌之俟苗長帶土移栽下種宜甲子庚子

壬寅辛巳黃道開日

薑禦濕之菜通神明去穢惡種薑宜白沙地少以糞和熟耕六七徧三月種之先種耨耩尋壟下一尺一科令上土厚三寸數鋤之六月作葦屋覆之八九月掘出於無風處藏之

苦蕒一名蘼一名天香菜一名游冬吳人呼爲苦苳葉狹而綠帶碧莖空斷之有白汁花黃如野菊結子毛茸茸隨風飄揚落處卽生味苦寒夏月宜食

菱筍菰根也生澤中葉如蔗荻心中生薑根似小兒臂謂之菱白花如葦結青實細若茅針長寸許皮黑褐色米白而滑膩土人謂之菰米和粟爲粥甚甘美少陵所謂願作冷秋菰是也

鳧茨爾雅謂之鳧苳苗似龍鬚而細根似人指黑色一名烏芋亦曰葶薺生下田水中今邑有種者生食甚甘汁可澄粉

慈姑本名茨菰一名白地粟一名水萍一名剪刀草一根歲生十二子閏則十三實出九都福墅坑三月生苗青莖中空其外有稜葉如燕尾前尖後歧每叢十餘莖開小白花四瓣大者如杏小者如栗色白而瑩滑霜後葉枯乃結實冬及春初掘以爲果煮食味頗甘美

甘藷蘇頌謂閩人單呼爲藷音若殊及韶者是也有紅白二種今五都月塘多種之九月采食其根味甚美種植書云蔓葉大於山藥種時揀肥大好種安地窖中過冬使不受凍來春取出初作二寸方一塊以灰裹之俟生芽先掘藷窟約徑三寸深尺餘以脂麻藍作把豎穴中加土把土又加有芽藷腦於土上再以水灌之俟苗生植竿延蔓頻頻上土壅之以水沃之藍漸爛根漸長其大小視窟不似山藥能生根故有山藥聰明藷性拙之諺

番藷一名朱藷一名玉枕藷形圓而長本末皆銳肉白皮紫其根似芋亦有巨魁大者如鷺卵小者如鷄卵剝去紫皮肉白如肌氣味甘平無毒南人用當米穀果食蒸炙皆宜初時甚甜經風則稍淡草木狀云珠崖之不業耕者惟種此蒸切曬收可充糗糧亦救荒要物也以其來自海外故名番藷人家凡有隙地但止數尺仰見天日便可種得石許須歲前深耕以大糞壅之春分後下種若地非沙土先用柴灰或牛馬糞和土中使土脈散緩與沙土同庶可行根耕土須極深將藷根每段截三四寸長覆土深半寸每株相去縱四五尺橫二三尺俟蔓生既盛苗長一丈留二尺作老根餘翦三葉爲一段插入土中每栽苗相去一尺大約二分入土一分在外卽又生藷隨長隨翦隨種隨

生蔓延與初生者不異凡栽須順栽若倒栽則不生節在土上則生枝在土下則生卵約各節生根即從其遠綴處斷之令各生根每節可得卵三五枚初種自休寧山棚今黟地亦廣種之

菟蓐一名黃獨葉似油跋半夏根大如椀生陰地雨滴葉下生子掘根搗碎以灰汁煮成餅五味調和為茹食土人用為喪食

薤菜幹柔如蔓中空葉似菠薐及藍頭開白花土人編葦為筏作小孔浮水上種子於中長成莖葉皆出葦孔中隨水上下南方之奇蔬也陸種者宜濕地畏霜雪九月藏窖中三四月取出壅以糞土節節生芽一本可成一畦黟人謂之空心菜今亦隨處種之

菌木蕈也大者名中遁生桑木上者名桑柄四時類要三月種菌子取爛構一名楮木及葉於地埋之常以泔澆令濕

三兩日即生如初有菌子仰杷推之又出亦推之三度後出者大即收食之本自構木生者食之不損人或地下自生者恐蛇虺流涎在上食之能殺人中其毒者掘地下水曰地漿解之

木耳一名木柄一名木蛾生於朽木之上無枝葉乃濕熱餘氣所生曰蛾象形也惟老桑樹生桑耳軟濕者采以作

菹其次槐百榆百俱可食

石耳生大山之崖山羊所不能緣也垂纒以取之采曝洗去沙可作茹勝於木耳佳品也味甘平無毒另有地耳生於地者也一名地踏菹亦可食

馬齒莧一名長命菜一名九頭獅子草柔莖對葉圓整如馬齒故名苗煮熟曬乾可爲蔬根白莖赤葉青花黃子黑又謂之五行草

刀豆一名挾劍豆蔓引一二丈葉如豇豆葉而稍長五六月開紫花結莢長者近尺微似皂莢扁而劍脊三棱嫩青煮食醬醃密饒皆可子如大指頂淡紅煮食甚美氣味甘平利腸胃止呃逆種植之法將地鋤鬆深半尺熟糞拌勻清明時先將布濕微水潤豆令脹將見芽鋤土作穴每穴一粒側放入不可深此豆體重深則難出上蓋薄土一層加草灰日日澆令濕俟生蔓竹木架起

蘇所以煮飲爲香者也

百合三月生苗高二三尺莖粗如箭筈四面有葉如雞距又似柳葉四五月開花根如胡蒜重疊生二三十瓣花白者甘寒微苦能潤肺止咳食之益人醫家有百合洗及百合固金等方花紅者爲山丹味苦不堪食

苦蕒爾雅所謂黃蔞也俗名苦菜黥人暑天食之出亦廣

春初生苗深冬始凋葉布地如菘菜狹長有鋸齒莖二三  
尺數寸一節食之有醬氣本草謂之敗醬能治血氣心腹  
痛破癥結催生落胞赤眼弩肉疔耳等症

果之屬

梅先叟木而花老幹嫩條先花後葉實大者如小兒拳小  
者如彈丸熟則微黃甘酸可啖花有紅白綠諸色臘放春  
開重葉單瓣之不同其食可醃可饒調鼎和羹所在任用  
四時類要熟時和肉埋糞土中至春芽生三月移栽實地  
移須帶土三步一樹概則實繁美既移不可更移糞土致  
實少而味劣

桃花有純白淡紅大紅單瓣重葉開時爛熳芳菲其色甚  
媚味有極甘微甘及甘而帶酸者食多皆令人有熱齊民  
要術種法熟時合肉全埋糞土中至春既生移栽實地栽  
法以鋤連土掘移之四年以上以刀豎剝其皮則花實繁  
美七八年便老花實俱希黧桃無佳者蓋土性使然荆楚  
歲時記元日進桃酒謂桃乃五行之精能壓邪制鬼也  
李枝幹如桃綠葉白花結實有紅紫青黃氣味亦有甘酸  
苦澀之別齊民要術李性耐久樹得三十年老雖枝枯子  
亦不細嫁李法正月一日或十五日以石著李樹歧中令  
實繁春天取近根小條種之遇天雨無不活

杏一名甜梅樹大實多根最淺以大石壓之則花盛子牢  
二月開花結實大者如梨生酢熟甜種法如桃管子云五  
沃之土其木宜杏

柿朱果也樹高枝繁葉大圓而光澤四月開小花黃白色  
結實青綠八九月熟種類甚多大者如櫟如拳小者如雞  
鴨卵生則澀不堪食置器中自然紅熟其甘如蜜外有一  
種小柿謂之丁香棗紫黑不類棗一名牛乳柿出九都其  
木老則心黑圖經載新安貢柿心黑木是也火薰乾者名  
烏柿納甕中待生白霜名曰柿霜能潤肺生津化痰

裨實似柿前漢地理志梁侯園有八棱烏裨羅願新安志  
云裨柿美而益人又制丹石毒裨之小而美者出於黟古  
所謂梁裨之柿是也搗碎浸汁謂之柿漆其用甚多

梨一名快果一名果宗樹高二三丈葉厚大而硬色青光  
膩老則斑點二月開白花如雪六月上巳日無風則結梨  
必多性甘寒潤肺消痰出霍溪及九都者佳漁亭一種更  
勝與歙丁字橋者同烏雀蜂蠆犯之則爲癩土人率以柿  
油漬紙爲囊就枝包封之霜後始收春分前十日取旺梨  
枝如拐樣截其兩頭火燒鐵器烙定津脈臥栽於地卽活  
楊梅一名杔子二月開花結實如楮實子肉在核上無皮  
殼熟則白紅紫三色紅勝白紫勝紅鹽藏蜜漬火酒浸皆

佳種宜沙地待長移栽以生子旺枝接之灰糞壅之宜離  
根尺許每遇雨肥水滲下則結子肥大物類相感志云桑  
樹接楊梅則不酸南朝時土物所進梁任昉以冒險多物  
故停絕之

棗一名木蜜皮粗葉細五月開淡黃花花落結實生青者  
不堪食熟則純紅味甜王禎農書云南北皆有然南棗堅  
硬不如北棗肥美休寧蜜棗稱佳品嘗爲餽送之物近黟  
亦有之分栽取大樹旁條高二三尺者移種如本年芽未  
出勿遽芟除諺云棗樹三年不算死亦有久而復生者

栗苞生外殼刺如蝟毛其中著實或單或雙或三四不等  
內殼紫醬色殼內有膜色帶紅外毛內光膜內肉外黃內  
白八九月熟摘壓之有一種味甘而小獨顆謂之釋子栗  
出十二都霍溪諸處一毬三顆中一子扁者名栗楔補腎  
氣治腰脚無力齊民要術栗種而不栽栽雖活尋死栗初  
熟離殼埋塵土中二月生芽出而種之冬用稻草包裹至  
春解去否則凍損

榧一名赤果一名玉山果大者連抱高數仞雄者花而雌  
者實木理細堅堪爲器用結實青如橄欖中殼內仁肉白  
仁外另有一層黑衣出十二都大星者佳殼薄心實香美  
異常一樹可下數十斛潤肺殺蟲同甘蔗食其滓自軟猪

脂鬻之黑衣自脫以盛茶舊錫罐收之經久不壞種者以三月下種榧子皮反綠豆不可同食

銀杏一名白果一名鴨脚子樹高二三丈或至連抱可作棟梁葉如鴨脚面綠背淡二更開花人罕見一枝結子百十狀如小杏色青經霜乃熟色黃而氣臭爛去肉取核爲果溫肺定喘三元延壽書曰白果食滿千枚者死小兒更不可多食須雌雄同種其樹相望乃結實

香櫟一名枸櫞柑橘之屬大者如瓜皮若橙而光澤可愛置衣笥中經旬猶香種極難生必數十年而始及尋丈尤防蠹食

橘一名木奴樹高丈許多刺葉綠而尖四月開小白花清香可人至冬黃熟味甘微酸皮核皆可入藥種子及核皆可活以枳樹接或貼接尤易成肥地更宜以大糞死鼠則結實加倍涅槃經云如橘見鼠其果實多

柚似橙實酢皮味辛而苦肉如橘有甘有酸酸者名壺甘今俗或謂橙爲柚非也

橙本草以爲橘屬埤雅以爲柚屬柚皮極苦不可向口皮甘者乃橙百橙可登而成之故字從登樹似橘而葉大其形圓大於橘而香皮厚而皺八月熟

唐棣核也似白楊江東呼爲夫核一名奧李宋人譌爲郁

李或譌爲常棣明人更譌爲棣棠其花先開後合或白或紅其實五六月成熟可食仁可入藥

枇杷樹高丈餘枝肥葉長背有毛相傳枇杷秋萌冬花春實夏熟備四時之氣他果無與類者葉治肺病檢經霜老葉一葉重二三錢以蜜水塗炙刷去毛用之核種卽出

獼猴桃一名陽桃形如鷄卵而稍小皮褐色肉青子黑繁細如青箱子味酸甜藤本附木而生九十月開熟爛味更甘今人不及待嘗於七八月開采賣於市以器貯閉之數日則熟可食黠俗最尚其藤浸水取汁拌石灰堅韌如石埋葬多用之

葡萄一名蒲桃藤蔓極長春月萌苞生葉似括萋葉而有五尖生鬚蔓延作架纏繞之有一種白水晶葡萄味更勝可生食可曬乾可釀酒三元延壽書曰葡萄架下不可飲酒恐蟲屎傷人博聞錄葡萄宜栽棗樹邊春閒穿棗樹作一竅引葡萄枝從竅中出枝長塞滿竅卽砍去下枝其土枝托棗根生實大如棗

木瓜一名楸一名鐵脚梨枝葉花俱如鐵梗海棠花淡紅色結實如小瓜或如梨味甘而香帶酸微澀秋社前後分其條移栽次年便結實勝春栽者入藥理肝舒筋治脚氣枳椇味在枝杪霜後絕甜一曲一直如枳之承拱故一名

曲栴一名木蜜一名堅鈎木以其材為柱能敗室中酒味  
石榴一名若榴一名丹若出塗林安石國漢張騫使西域  
得其種以歸故名安石榴樹不高大枝幹叢生花有紅白  
實有酸甜千葉者不結實三月初取指大嫩枝長尺有半  
燒下頭二寸勿去其藩插土中以礧石礧石也張衡西  
京賦爛若礧礧註  
石細者 枯骨布其根下日頻以水澆之自然生根

木之屬 竹附

梓或作籽陸璣疏云楸之疏理白色而生子者為梓一名  
木王植於林諸木皆內拱造屋有此木則羣材皆不震木  
莫良於梓故書以梓材名篇禮以梓人名匠春月斷其根  
瘞於土遂能發條取以分種今城隍廟有梓一株云是趙

宋時物

柿心黑木即牛乳柿其樹老則心黑作器物光可鑑新安  
志云圖經載新安貢柿心黑木或云黠之名邑以此  
松樹坑衡間柯黛色參天望之如龍鱗經四時而不改柯  
易葉棟梁材也博聞錄栽松春社前帶土栽培百株百活  
斫松木須五更初便削去皮則無白蟻血忌日尤好有一  
種來自黃山者屈曲矮小以盆養之可供清玩  
柏一名榭樹聳幹直皮薄肌膩開細花結實如毳肉仁芬  
香可愛凡木皆向陽而柏向陰指西

榆一名零一名樞有刺榆柳榆數種其白者名粉陳風東門之粉是也嫩葉煤浸淘淨可食榆錢可羹又有蒸餅餅收至冬可釀酒淪過曬乾搗羅爲末鹽水調勻日中曝曬可作醬卽榆仁醬也

槐虛星之精也有大葉小葉青黃白黑數種葉大而色黑者名穰小葉曰榎大而散楸小而散榎槐之生也季春五日而兔目十日而鼠耳更旬而始規二旬而葉成四五月開黃花未開時狀如米粒採取曝乾染黃甚鮮城南槐溝蕭梁時所穿其地因樹得名至今溝土人家尚多槐樹惟晝聶宵炕守宮槐獨少初生嫩芽熟水泡去苦味可薑醋拌食曬乾亦可代飲作茶以槐子和稂黍種畦中至冬放火燒過明年取苗食如取枸杞苗法每採二次用糞澆一次可至秋末且無蟲

檀善木也有黃白二種皮正青滑澤細葉其材彊韌可爲車輪及斧鎚諸柄皮和榆皮爲粉食可救荒

杉本名櫛一名被有赤白二種一名沙枝幹挺直大者數圍高七八丈至十丈者文理條直人家造屋多用之葉粗員微扁附枝生有刺至冬不凋赤杉實而多油白杉虛而乾燥有斑紋如雉尾謂之野雉斑黦產最佳入土不腐作棺尤美山廣土肥堪插杉苗先將地耕過種芝麻一年來

歲芒種時截嫩苗頭一尺二三寸長先用尖櫛一把春穴  
勿翻轉土將苗插下一半築實離四五寸成行排密則易  
長每年耘鋤勿雜他木高三四尺則不必鋤  
桑箕星之精也東方自然神木之名其字象形蠶所食也  
枝條長葉深綠多刻缺方書稱桑之功最神在人資用尤  
衆其小而條長爲女桑世所名者荆與魯也此外又有椈  
桑壓桑種類甚多有壓條法有種樵法黠地少養蠶樹桑  
者鮮

麋說文云山桑也詩曰其麋其柘顏師古漢書註桑葉之  
有點文者也

柘桑屬葉飼蠶爲絲中琴瑟絃清響勝凡絲禮投壺矢以  
柘若棘毋去其皮又崔豹古今註桑實曰甚柘實曰佳  
檜一名栝柏葉而松身禹貢荊州云栝幹栝柏是也羅願  
云檜今亦謂之圓柏左傳稱棺有翰檜皆檜材之見於用  
者  
桂一名稜一名木樨葉對生豐厚而硬凌冬不凋枝條甚  
繁木無直體花八九月盛開以糖薑拌勻封貯瓷器中亦  
可供客人家園圃多植之懸署一  
株大可兩抱蓋數百年  
物矣

桤葉如椈而子赤材理粗謂之桤柏

櫻栴欄也亦名櫻欄俗作棕欄本高一二丈旁無枝葉皆萃於木杪若羽葆然其皮重疊裹之每長一層卽爲一節皮理如絲毛剝而解之可以索綯并爲蓑笠帚墊之屬每歲必剝兩次否則樹死或不長剝多又傷樹莖端有苞苞中有子謂之櫻魚子

楮穀樹也極易生陸璣詩疏江南人績其皮以爲布又擣以爲紙葉有極實如楊梅古今註楮實曰任可入藥救荒本草荒年採花食

冬青一名女貞一名萬年枝四時常青凌冬不凋葉可染緋子堪入藥

桐一名欒栢卽梧桐也今人以其皮青號曰青桐以別於白桐之華而不實材中琴瑟者四月開花下垂細蘂莢長數寸結實蕃滋秋綴橐鄂鳥喜巢其中莊子所謂桐乳致巢是也

岡桐一名油桐一名荏桐一名罌子桐樹不甚高早春先開淡紅花實大而圓每實二子或三四子不等如大楓子肉白味甘食之令人吐人多種之取子榨油入漆及油器物船爲人所須人多僞爲之惟以篋圈揮起如鼓面者爲真正二月內以子種上覆黃土寸半許時時用水澆灌使土長濕待長尺餘移栽冬閒不用苫蓋

楊柳一物二名楊枝短柳枝長楊枝硬而揚起柳枝弱而下垂有白青赤黃數種赤柳謂之檉柳兒醫用發痧疹黃楊性堅可爲梳歲長一寸遇閏則否人謂之黃楊厄閏白楊歲饑小民取其葉熟水浸去苦味煮以充饑  
櫟橡一類二種實小而冬不凋者櫟實大而冬凋者橡橡木一名栲實如荔枝有尖蒂有斗包其半截爾雅註所謂有球彙自裹也仁如老蓮肉可澄粉作腐味微澀斗可染阜橡亦名柞土人呼橡實爲柞子

烏桕一名鴟白樹高數仞葉似杏而微薄淡綠色五月開細花色黃白實如雞頭八九月熟分三瓣咋之取子榨油白者爲皮油仁爲青油可照夜製燭尤佳其渣可糞田黦產頗多老圃云桕樹不須接但於春閒將樹枝一一擺轉碎其心無傷其膚卽生子與接者同試之良然此法農書未載或他樹亦可用也

漆本作漆似榎而大樹高一丈餘身如柿皮白葉似椿花似槐子似牛李子木心黃出欽州黦產不多春分前移栽易成六月中以剛斧斫皮竹筒承之液滴下則成漆取於霜降後者更良

楓樹高大似白楊葉圓而作歧有三角霜後色丹謂之丹楓二月開花白色結實圓有毛八月九月熟時曝乾可燒

其脂爲白膠香梁任昉爲太守調香二石始入三斗遽出  
教止之

南燭叢生春晚葉紅赤照耀山谷道家用作飴飯其色青  
故又謂之青精飯李氏本草綱目以人家庭館所植南天  
竹當之誤也

石楠聳而蒙密圓如繖蓋墳頭多植之古之交讓木也大  
者可爲舟花淡紅色成毬

虎骨樹休歛人以之作羅盤紋理細密如銀杏木婺源志  
卽謂之羅盤樹

卓莢其木通身皆刺謂之皂角刺可入藥治癰疽之成膿  
而未潰者其莢搗碎澣衣可去油膩別有一種莢小而長  
狀如豬牙者名豬牙皂其性愈猛爲疎風豁痰斬關奪門  
之將不可多帛

椿一作樺一作杔香者可食易長而壽是處有之嫩時香  
甘生熟鹽醃皆可茹木亦紋理細膩可爲器用

茱萸葉似椿而闊厚紫色二月開紅紫細花七八月結實  
顆粒緊小嫩時微黃熟則色青綠味辛溫有小毒主溫中  
下氣止痛除濕爲厥陰要藥

椒木似茱萸有針刺葉堅而滑四月結子顆如小豆而圓  
紫赤色皮厚裏白味辛烈俗呼花椒其子光黑如人瞳子

謂之椒目

紫荆一名滿條紅開花細碎人家園圍庭院多植之取牡  
荆節不相當者月暈時刻之與病人身齊潛置病人牀下  
病雖危亦無害

竹植物也耐濕耐寒其類甚繁水竹荏弱而可觀毛竹粗  
而適用老竹長尺則曲桃枝竹四寸有節慈竹叢生不離  
母四時皆抽筍一名四季竹對青竹出林歷山枝幹皆金

色其起枝處獨一線青碧俗所謂黃金嵌碧玉是也箬竹

葉大

葉長尺餘闊二三寸用包角黍及鹽包茶篋夾簾斗笠各類

鳳尾竹枝細佛面竹

方龍公竹方大更有苦竹淡竹紫竹斑竹篁竹筍竹哺雞

竹壽星竹烏金竹種不易生植之者少八月爲竹小春竹  
之萌曰筍筍之苞曰籜籜初解曰篁竹之皮曰筠竹之節  
曰約竹之叢曰篔竹之小者曰篠竹之得風而體夭屈曰  
笑竹死曰筴移竹帶宿土勿踏以足若換葉勿遽拔去大  
抵迎陽氣則取季冬順土氣則取雨時連數根種則易生  
筍陸佃云旬內爲筍旬外爲竹故字從旬竹有雌雄但看  
第一枝雙生者必雌也乃有筍土人於根行鞭時掘取嫩  
者謂之鞭筍南人冬月掘大竹根下未出土者謂之冬筍  
東觀漢記謂之苞筍

草之屬

芋亦名芋麻叢生數十莖宿根在土至春自生不須栽種  
剝取其皮以竹刮其表厚處自脫得裏如筋者煮之用績  
爲布品居麻葛之右子亦可種一合可種六七畝撒畢不  
須覆土覆土則不生性喜陰夏月以棚蔽之陰雨則撒棚  
苗長三寸擇土移栽壅以糞則茂五月上旬六月中旬八  
月中旬凡三穫治孕婦胎動有銀芋酒方外治癰疽發背  
初起未成膿者以芋根葉熟搗傳之日夜數易其腫自退  
葛有二種有會葛有可爲絺綌之葛黠素不織葛可爲絺  
綌者棄而不取惟有會葛一名鹿藿者冬月取生者於水  
中揉出其粉白而淨者謂之葛精澄漉曝乾可以遠攜調  
食與藕粉畧同鮮者澄粉成塊切碎下沸湯中旋即撩起  
以蜜湯拌食入薑末少許尤妙花可醒酒葉能消癰博物  
志曰野葛食之殺人人家種三年不收後旅生亦不可食  
蘭香草也爾雅翼云葉如莎首春則茁其芽長五六寸其  
杪作一花花甚芳香一幹一花而香有餘者蘭一幹五六  
花而香不足者蕙今土人謂蘭爲幽蘭蕙爲蕙蘭其名不  
變於古江南蘭惟春芳荆楚及閩中者秋復再芳故有春  
蘭秋蘭之別黠居萬山中產蘭最廣每至春初深山中人  
肩挑籃攜賣於市人家以盆栽之可稱案頭清供至於素  
心蠟瓣荷瓣紫莖各種俱有但不多得爾開時滿室皆香

味辛平入藥能散久鬱之氣

丹皮卽花中之牡丹牝牡乃陰陽之稱牡則爲羣花首花爲陰成實葉爲陽發生丹則赤色相離陰中之火能瀉故入藥用根皮惟用單瓣者有千葉重樓紅紫黃白各種不同羅鄂州謂出於黟本自洛移植其後歲盛宋南渡無洛花好事者於此取之然無益於俗不足廣載

芍藥春生紅芽作叢莖上三枝五葉花開顏色多品赤芍色應南方能瀉能散白芍色應西方能補能收皆血分之藥用各不同

黃連大苦大寒爲手少陰足厥陰要藥狀如鷹爪連珠故以連名陶隱居以連出西閒者色淺而虛不若東陽新安諸縣者佳黟之規溪時有之

香附子卽莎草根也生田野因象雀頭一名雀腦香其根周匝多毛氣香味甘微寒利氣開鬱

車前子卽芡苳江東稱爲蝦蟆衣多生道路故一名當道葉似牛舌故一名牛舌草利水之藥春初生苗葉布地團而微尖面有稜線如白萼花葉救荒本草謂嫩時采之可以泔食

蒼耳卷耳也處處有之廣雅謂之臬耳幽人呼爲爵耳以其實類婦人耳璫也或曰此物生蜀中實多刺因羊過之

毛中黏綴至中國故一名羊負來因色蒼黑形如鼠耳故名蒼耳主風濕周痺消鼻中瘰肉疔腫

茴香一名懷香三月生葉似老胡荽疎細作叢七月開花結實如蛇牀子色青味辛平無毒回陽散冷故曰茴香

甘菊花應候黃小者良黠地生田野間者與杭州茶菊無異拌茶為飲甚佳味苦莖青名苦蕒味甜莖紫名甘菊明目去頭風

黃精根如嫩薑黃色故俗呼野生薑味甚甘甜味可過凶年故救荒本草名救窮草蒙筌名米脯益脾胃潤心肺駐顏色填精髓仙家以為芝草之類以其得坤土之精故

謂之黃精神農本草鈎吻一名野葛一名胡蔓草陶宏景曰野葛與鈎吻似是兩物鈎吻別是一物葉似

黃精而莖紫當心抽花黃色初生極類黃精故人采多惑之遂致死生之反蘇恭曰黃精直生葉似柳葉及竹葉鈎吻蔓生葉如柿殊非比類陳藏器曰鈎吻食葉飲冷水即死冷水發其毒也中其毒者蕪菜擣汁解之或多飲甘草汁童便白鴨白鷺斷頭瀝血入口中或羊血灌之吐出毒物乃生稍遲即死也

白蒿俗名尖葉艾以其似艾而尖葉也爾雅曰藜皤蒿註

白蒿也埤雅曰蒿青而高藜白而繁有水陸二種爾雅通

謂之藜以其易繁衍也其曰藜皤蒿即今陸生艾蒿也辛

薰不美其曰繁由胡即今水上蔓蒿也辛香而美蘇頌曰

古人以為菹今人但食蔓蒿不復食此按此則陸生者曰

艾蒿水生者曰蔓蒿皆可食

首蓿齊民要術地宜良熟七月種之畦種水澆一如韭法

亦一翦一上糞鐵耙一年三刈留子者一刈生噉為羹俱

佳此物長生種者一勞永逸負郭尤宜種之

藜春間種一本叢生每窠約二三十莖團團直上有赤有

黃七月開黃花生子嫩苗可作蔬至八月幹成可為帚并

可為杖

薺一名護生草野生有大小數種小薺花葉莖扁味美最

細者名沙薺大薺科葉皆大而味不及小薺莖硬有毛者

名疥莫味欠佳嫩苗可作羹師曠所謂歲欲甘甘草先生

即此和肝氣明目蘇東坡詩時繞麥田求野薺強為僧舍

煮山羹俗謂之社菜

藿本名拜一名胭脂菜生不擇地處處有之嫩時亦可食

氣味甘平微苦煎湯洗瘡最妙其幹堅而輕可以為杖灰

藿一名灰滌菜一名金鎖天今訛為灰條菜氣味甘平為

蔬亦佳七八月開細白花結實成簇中有細子蒸曝取仁

可炊飯磨粉食救荒本草云結子成穗者味甘散者味苦

牆下樹下者忌用白者謂之蛇灰有毒

地蠶澤蘭根也肥白而促節大如三眠蠶以冬掘取之亦

曰地筍

五倍子生於膚木葉上七月結實生青熟黃九月採實曝

乾用以染皂藥中偶亦用之名曰文蛤或云昔有商販此得五倍之利故名五倍子大者如桃其中皆蟲一名敷檻桃

萱草味甘涼利胸膈甚佳今人多採其嫩苗及花跗作菹嵇康養生論云合歡蠲忿萱草忘憂風土記云懷孕婦人佩之生男故一名宜男草花中有鹿斑文故一名鹿葱又名黃花菜

桔梗桔結也梗綆也其文締結如綆因名味辛苦利五臟除寒熱牛泉山羊棧嶺一帶甚多土人於秋時掘根賣之鱸餞充果食甚佳寶志謂大而無心者為薺芫或用作假貨賣之他郡細視之亦殊不類

地黃以河南懷慶所產生黃土地者為佳根黃色二月八月採陰乾黥產者不堪入丸劑痘科中用治血熱而已爾雅云芑地黃芑字從下亦趨下之義故治下血溺血之症多用之

細辛葉如葵赤黑色根細而味極辛故名細辛味辛溫無毒乃足少陰經要藥主治正傷寒不可多用

薄荷又名雞蘇蘇州產名龍腦者第一氣甚香竄黥產者不甚香薄荷乃花葉總名薄荷聲近俗呼薄荷

紫蘇各處園圃俱栽葉紫色花苴也形氣土苴也故名為

紫蘇味辛溫發表解肌

草烏頭處處山谷有之根形象烏鳥之頭味苦有大毒一名射罔取其汁敷箭射禽獸卽死煎丸俱不可用惟治風痺癩癘及蛇咬偶或用之有生血新傷卽不可用用輒殺人人中射罔毒者服甘草藍汁小豆葉浮萍冷水薺芎皆可救

天門冬根長如手指一二十枝一撮與百部相似因葉有逆刺又名顛棘廣雅云女木也春生藤蔓大如釵股高至丈餘葉如茴香細而有刺亦有澀而無刺者秋開白花冬結黑子

麥門冬本名薺冬葉類莎草而長凌冬不凋類穠麥類故名味甘平定肺氣安五臟陳藏器云麥薺冬出江寧者小而潤出新安者大而白

荆芥生山谷在處有之本名假蘇氣味似紫蘇也味辛苦清頭目除濕痺

蓮實爾雅云荷芙蕖其莖茄其葉蓮其花菡萏其實蓮其中葇葇中薏自葉至莖及根無一不可入藥味甘平補中養神益氣除疾可常食

沙參根如葵根白而實者良除寒熱益肺氣黠地所產最多

茵陳苗細莖經冬不死至春更因舊苗而生新葉故名茵陳嫩時亦可食救荒本草謂之青蒿兒有歌云青蒿兒纔發穎二月二日春猶冷家家競作茵陳餅茵陳療病還療飢借問采蒿知不知石菖蒲生石澗中根小節密者入藥種池塘內根大節疎者作餞堪用黠產林厯者佳獨活一莖直上不爲風搖故名獨活兩足濕痺不能動履非此莫瘞黠產最廣

蒲公英田園皆有之春初生苗開花似菊而黃四五月採蒲公用此草治癰腫得效故名四時皆有惟極寒天少用作熟食救荒本草名爲白鼓釘

葵處處有之取嫩苗灼熟極甘美肥好正月種者爲春葵六七月種者爲秋葵八九月種者爲冬葵可防荒儉羅鄂州蔬茹藥品俱未載今從救荒本草中錄入冬葵子入藥用

覆盆子一名葶又名葍蓋實如莓而小亦可食烈日曝乾夜多小便者服之當覆滿盆故名覆盆子蛇莓一名蛇蘆四五月田野道旁處處有之附地生葉極似覆盆子誤食使人發冷涎腹脹但蛇莓莖長不盈尺莖端惟結實一顆小而光潔非若覆盆苗長大而結實數顆微有黑毛也

莓五月初子熟形如乳頭色紅紫味酸甜勝楊梅山中人

黑熊元 卷三  
俟熟采賣於市與大麥同時故名大麥莓又名麥薦婦人小兒多喜食之黠產最廣販賣者與桃李等

三白草土人謂之五葉白始生而青入夏則葉轉而爲白田家候之每三葉白時農事急矣五葉皆白則農事益勤至秋皆復青

五加皮疏筋去瘋之藥采嫩枝熟食可充飢救荒本草歌云饑年穀價五倍加民無實分興咨嗟采得五加充我腹勝於白璧遺無瑕黠龍尾山產者爲上

旁其先歲七日採其枝葉插門戶以禦癘土人謂之旁皮其根爲烏藥

天仙藤其子爲馬兜鈴其根爲青木香一種有三名治瘋潤肺舒筋用各不同也

益母草一名蕪川澤處處有之治婦人胎產諸病故加益母之名葉似荏方莖開白花結子名茺蔚子亦理胎產

薺苳救荒本草名杏葉沙參采嫩苗灼熟食

薏苡仁薏意也苡實也六月結實形如珠子而銳長小兒多以線穿貫珠爲戲故呼爲意珠子味甘微寒利腸胃消水腫

半夏夏至第三候生因名半夏味辛消痰利膈人家園圃中多種之

栝樓一名瓜蒌皮黃蒂小正圓者名栝皮赤蒂粗銳長者  
 名樓栝括櫟也樓蒞斂也言包斂其子在內也其根澄粉  
 即天花粉又名玉露霜乃陽明要藥主治甚多張仲景有  
 栝樓根湯蘇頌圖經治時疾發黃新汲水入蜜半合調服  
 王肯堂有栝樓散本草蒙筌治偏疝連皮酒煎服味甘寒  
 潤肺消欬滌痰利咽喉止消渴消癰腫採用者衆黟產最  
 廣

禽之屬

雉春秋運斗樞曰璣星散為雉澤雉十步一啄百步一飲  
 因地之墳衍以為疆界雖飛不越分域一界之內要以一  
 雉為長餘者雖眾莫敢鳴雉又其交有時別有倫其羽文  
 明可用為儀士執雉者取其守介而死不失節也

翬雉爾雅云伊洛而南素質五采皆備成章曰翬又云鷹  
 隼醜其飛也翬言其鼓翅翬翬然疾故曰翬也左傳曰五  
 雉為五工正翬其一也

鷓鴣小於鷹爾雅釋鳥云江淮而南青質五采皆備成章曰  
 鷓月令曰鷹化為鳩列子天瑞篇曰鷓為鷓鷓為布穀久  
 復為鷓此物變也說文鷓鳥也玉篇五色雉

鷹鷲鳥也一名鷲鳩少皞氏以名司寇之官陶宏景曰虎  
 聞聲而深伏鷹見形而高飛禽經曰鷹不擊伏鷲不擊妊

蓋其義性如此

黃鳥黃栗留也一名倉庚一名皇齊人謂之搏黍亦或謂之黃袍當樾熟時往來桑閒故里語曰黃栗留看我麥黃樾熟亦應節趨時之鳥也

鳴鳩舊志謂之郭公一曰枯鞠亦名搏黍今之布穀也雌雄飛鳴以翼相排不自為巢居鵲之成巢有均一之德哺子朝自上而下暮自下而上其聲云脫却布袴郭公打麥各家插禾俱以意擬之也

鶉鳩俗謂之鶉姑灰色無繡項陰則屏逐其匹晴則呼之語曰天將雨鳩逐婦

斑鳩似鶉鳩而大

鷓鴣禽經云隨陽越雉也孔志約云鷓鴣生江南形似母鷄埤雅云鷓鴣自呼其名常向日而飛飛隨月蓋若正月一飛而止畏霜露蚤晚稀出有時夜飛則以木葉自覆其背其鳴云鈎輈格磔嶺異錄云肉白而脆味勝鷄雉

夏鷄一名秧鷄黔人謂之田鷄又如小鷄白頰長觜短尾背有白斑多居田澤畔夏至後夜鳴達旦秋後即止歐陽修詩田家惟聽夏鷄聲夜夜籠頭催曉月自註西京村人謂鷓鴣為田鷄

竹雞一名山菌子又名雞頭鷓自呼泥滑滑所在山谷有

之喜居竹叢中形比鷓鴣小而無尾毛羽褐色多斑好啼  
聲最響喙尖眼突可百聲見其儔類必鬪捕者每以媒誘  
其鬪因而以網獲之能去壁蝨白蟻之害古諺云家有竹  
雞啼白蟻化爲泥

斫木爾雅釋鳥云鴛斫木郭璞云口如錐長數寸常斫樹  
食蟲因名俗言此鳥善爲禁法能以曲爪畫地爲印則穴  
之塞自開飛輒以翼墁之又斫木愈齟說文曰齟齒蠹也  
以類相攝故斫木愈之

鵲知人喜作巢取在木杪枝不取墮地者皆傳枝受卵故  
一曰乾鵲其巢開戶嘗背太歲向天一先儒以爲鵲巢居  
而知風蟻穴居而知雨歲多風則去喬木巢旁枝故能高  
而不危也俗說鵲巢中必有梁人見鵲上梁者必貴今二  
鵲共銜一木置巢中謂之上梁

水鵲甚似鵲而小好在水旁人以其聲爲喜也

烏說文曰孝鳥也象形林罕以爲烏字全象鳥形但不注  
其目萬類目睛皆黑烏體全黑遠而不分別其睛也烏一  
名鴉其名自呼淮南子曰烏之啞啞鵲之喈喈詩曰莫赤  
匪狐莫黑匪烏今人聞鵲則喜聞烏則唾以烏見異則噪  
故輒唾其凶也世云烏傳而孕故語曰鵲傳枝鴉茹沫又  
有慈烏小而多聲

燕爾雅燕燕鳥禮記謂之元鳥有二種越燕小而多聲領下紫巢於門楣之上謂之紫燕胡燕比越燕大臆前白質黑章其聲亦大巢於屋兩椽間燕之來去皆避社日以戊己字書其巢上則去

雀頭如顆蒜目如擘椒四時有子物之淫者也西方之書曰雀浴沙受卵師曠禽經曰雀交不一雉交不再每引翮取脂以塗翅毛衣悅澤雨露不能濡

百舌一名反舌一名喚起江南人謂之望春狀如鳩鵲而小身稍長羽色灰黑喙黑而尖立春後則鳴且能作諸鳥之音最悅人耳夏至後則寂然無聲人或取畜之過冬多死必須善護持之

搖鷓春令也舊志云行則自搖其鷓按爾雅鷓鴣鵲渠注云雀屬也陸璣疏云大如鷓雀長脚長尾尖喙背上青赤色尾下白頸下黑如連錢故杜陽人謂之連錢

鳧野鴨鳧能高飛而鴨舒緩不能飛故尸子曰野鴨爲鳧家鴨爲鶩埤雅云鳧好沒大小如鴨青色長尾背上有文卑脚短喙水鳥之謹愿者也

鷓鴣水鳥爾雅鷓鴣卽鷓鴣也似鷓而黑翮曲而鈎食魚入喉則爛其熱如湯其骨主鯁及噎蓋以類推之也

鷺爾雅釋鳥鷺春鉏也其羽潔白故謂之白鳥林棲而水

食以魚爲糧羣飛成序故有鷺序之說頸細長脚青善翹  
高可尺餘解指短尾喙長類鶴頂有長毛十數莖毵毵然  
如絲欲取魚則弭之故一名鷺鷥生而喜露視而有胎或  
畜於池沼閒每至白露降日則飛去  
紅鶴似鷺而翼下紅

鸛水鳥也俯鳴則陰仰鳴則晴詩疏似鴻而大長頸大喙  
白身黑尾翅樹上作巢大如車輪卵如三升杯食蛇每遇  
巨石知其下有蛇卽於石前如術士禹步其石騞然而轉  
遂啄食之拾遺記曰鸛能聚水巢上故人多聚鸛以禳火  
災

畫眉 淵鑿類函云似鷺而小黃黑色其眉如畫巧作千  
聲如百舌舊志在水曰水畫在籬塹中曰塹畫小曰石畫  
亦取其聲以候陰晴未知何本養者貯以竹籠懸之廊簷  
下以雞子黃拌米和細砂少許飼之時將籠浸水盆令自  
浴善鳴好鬪畜者重其鳴不重其鬪與黃頭自不同也  
黃頭小鳥之鷺者似麻雀而羽色蒼黃觜小而尖利爪剛  
而力強人多以籠畜之毛緊眼突者爲良鬪則兩翼相搨  
觜啄脚扯畜此鳥者到處提籠呼朋角勝最易滋事不可  
不禁

鴿一名鷓鴣隨在有畜之者鳩之屬也亦有野鴿其毛色

名號不同有青白阜綠灰斑各色試鴿持於十餘里之外  
放之能認舊巢而回方稱珍異眼有黃綠硃砂數種性淫  
逐月有子孕必二卵伏十八日而化畜者置一廚內隔之  
聽其飲啄

鸚鵡一名咧咧鳥一名八八兒一名八哥色純黑金眼兩  
翼下各有白點飛起則見取舌撚之翦去其尖教以人言  
久而自能初生口黃老則口白頭上有幘者易蒼惟忌白  
露節日及八月十三大煞日密藏之不使露

白頭翁亦小鳥似黃雀毛微帶蒼色頭上有白毛一叢善  
鳴人多以籠飼之

巧婦鳥古謂之鷓鴣一名桃蟲爾雅桃蟲鷓其雌鷓方言  
燕人謂之巧婦詩疏微小於黃雀其雛化而爲雛今處處  
有之於林藪間爲窠如小袋取茅葦毛毳爲之繫以麻或  
人髮至精密形青灰有斑長尾利喙聲如吹噓兒童畜之  
性馴教之銜物作劇

獸之屬

虎山獸狀如猫而大如牛黃質黑草鋸牙鈎爪鬚健而尖  
舌大如掌生倒刺項短鼻羸夜視一目放光一目看物聲  
吼如雷風從而生百獸震恐仲冬始交孕七月而生虎威  
在頸項二肘閒如乙字三寸許虎鏡在當心皮裏膜外若

脆骨然取而佩之臨官則能威衆虎帶在胸而通前左右  
二足乃大筋也可爲帶底故名前脛骨三棱後脛骨圓直  
色皆桃紅而不空虛有微眼以唾濕其一頭吹之少有沫  
焉其腸爲馬纏雖劣者可御升菴外集遇之者當作勢與  
敵而屢退引至曲路即可避去虎不行曲徑故也虎面近  
值人不能攫須自遠作勢撲過人首嚙其衣領而去人但  
持苦竹槍直立當之虎畏槍礙腹不敢躍也入山勿鳴鑼  
鼓虎反尋聲而至惟畏火器及繖人以繖張之則不敢犯  
捕虎者以火槍又以梭作毬擲之虎銜梭毬齒爪皆陷於  
梭驟不能拔即可捕虎又畏春碓聲聞春碓則齒自酥虎  
所至畏鬼爲先驅輒壞獵人機械當以烏梅楊梅布地此  
鬼嗜酸而忘導虎乃可擒擒虎者或以鐵錮擊其腕卽自  
廢勝於虎义非膽壯者不能也

豹一名程其花如錢黑而小於虎

野豕形如家豕但腹小脚長毛色褐作羣行牙出口外如  
象牙有大至二三百觔者牝者肉更美能與虎鬪最害田  
稼亦啖蛇虺其肉治癩癩補飢膚益五臟青蹄者不可食  
豪豕一名鸞豬深山中有之多者成羣害稼狀如豬而項  
脊有棘鬣長五七寸粗如箸白本而黑端兩端皆銳怒則  
激發如矢傷人其皮可爲鞞袴肚及矢治鼓脹黃疸水腫

脚氣奔豚燒存性酒調服

豺俗名豺狗形似狗而頗白前矮後高而長尾細瘦猛健羣行虎亦畏之喜食羊其聲如犬俗云狗爲豺舅見狗輒跪

狸有猫斑者有豹文者牛尾狸的類而大尾螯則不食舐掌而肥別名白額亦曰玉面狸亦曰果子狸其膚理至腴獵者取爲奇品昔以充貢宋郡守謝采伯謂戕物命以資口腹遂罷梅堯臣有詩云吾鄉雖僻遠佳味頗相宜沙地馬蹄鼈雪天牛尾狸

竹狗似狸而臊

青真其毛灰黑色似狗而小頭上毛黑白相間極似太極圖尾長尺亦黑白相間肉可食皮可爲裘頗溫煖可觀獺一名水狗其小者土人謂之抓鱖皮可爲領袖獺爪治鬼疰骨鯁獺肝治心痛爲末酒沖服

鹿山中時有之馬身羊尾黃質白斑頭側而長脚高而行速牡者有角牝者無角夏至則解喜食龜能別良草食則相呼行則同旅居則環角外向以妨害臥則口朝尾間以通督脈其昔角入藥筋骨血肉亦補益人

麕麇屬口兩邊有長牙好鬪牡者有短角脚矮力勁其聲如擊破鉢山深處頗多其肉堅韌不及鹿味美皮極細但

多牙傷痕鞞鞞用之

麋或作麋爾雅麋大麋牛尾一角注麋卽麋師古云麋形似麋牛尾一角說文麋大鹿也牛尾一角鹿字必麋字之  
譌山海經註麋似鹿而小黑色

麋說文麋屬崔豹古今注曰鹿有角而不能觸麋有牙而不能噬埤雅麋麋也齊人謂麋爲麋如小鹿而美故字從章語曰四足之美有麋麋卽麋其性善驚尤怯飲水見影輒奔

麋如小麋臍有香冬食柏葉夏食諸蟲尤喜噉蛇至寒則香滿入春臍內急痛自以爪剔去之落處遠近草木皆黃若人帶過園中者瓜果皆不實

狐穴獸形似黃狗鼻尖尾大性淫多疑死則首邱陶隱居云狐出北方及益州今江南亦時有之舊說狐有媚珠又曰狐禮北方而靈善變化

猴尻無毛而尾短手足如人亦能豎行腹無脾以行消食其聲嗚嗚若咳生子輒傲人浴之山谷中鷹鳶過其上以一手按子仰視不轉子往往死水中輒相率哭泣埋之乞人每捕其小者飼之馴其性爲戲於市以丐錢

獾本作獾有豬獾有狗獾一名獾似小豬體肥行鈍足矮尾短毛褐背尖穴地而居獲之亦可食狗獾似小狗而肥

皮爲衣甚暖

兔口有缺吐而生子故謂之兔舊說兔者明月之精視月而孕處處有之形如山鼠毛褐而尾短耳大而銳無脾長鬚前足短後足長行則用後足跳一躍數尺止則蹶然仆地禮記祭品謂之明視矢名望月砂治目疾效

蝟頭足似鼠刺毛如芡栗房蒼白色治胃疾故字从虫从胃爾雅彙毛刺卽蝟也今俗呼刺蝟燒其皮吹鼻止血解一切藥力兼治金蠶蠱

栗鼠在樹上今人謂之松鼠也似鼠蒼色其尾長大

畜之屬 專采餵飼之法

馬產西北者多勝東南者多劣皆十二月而生其年以齒別之齊民要術飲飼之節會有三芻飲有三時謂飢時與惡芻飽時與善芻引之令會會常飽則易肥黠地無草場養馬者少惟考試之年閒有養者於試馬日用豆煮爛拌麥麩稻草飼之則力足善跑早閒放水一次至晚洗刷一次每飲水上料勿令馳驟牽之緩行數百步以和氣血以疆蠶烏梅拭牙則不食得桑葉則解博聞錄馬傷脾方用川厚朴去麤皮爲末同薑棗煎灌凡脾胃有傷不食水草掀唇似笑鼻中氣短宜速與此藥

牛新安志云水牛色蒼而多力其角如環所謂吳牛也黃

牛小而垂胡色雜駁不正黃土之所產亦有從江西來者  
黠人以圈養之用稻草鋪脚下謂之牛鋪牛糞其上約半  
月一換日則使小兒放往田場樹陰下晚則驅之使回以  
鹽拌飯飼之則有力暑天亦於塘窟中浴之牛病用苦參  
拌東壁土最效

羊李時珍曰生江南者爲吳羊頭身相等而毛短生秦晉  
者爲夏羊頭小身大而毛長土人二歲而剪其毛以爲氈  
貨謂之綿羊齊民要術牧羊必須老人心性宛順者起居  
以時調其宜適勿使急性人及小兒驅策之牧地遠水爲  
艮一日一飲緩驅行勿停息新安志云歙之南境羊晝夜  
放山谷中不畏露草黠羊來自西北惟冬季有之時際霜  
天野外青草漸少惟飼以粟稗竹葉冬青葉之類孕四月  
而生其目無瞳張仲景有當歸生薑羊肉湯治虛羸及產  
後腹中疝痛兼主腹中寒疝

豕楊雄方言曰燕朝鮮之閒謂豬爲豶關東謂之彘或曰  
豕南楚曰豨吳揚曰豬其實一種也耳大耳小足短皮厚  
亦各處不同黠人以圈養之飼以穀糠豆渣酒糟之類從  
不放青新安志云豚買於宛陵界中中家以上歲別飼大  
豕至二三百觔歲終以祭享謂之年彘而方輿記以火肉  
石芥爲民之珍孕四月而生凡白豬花豬牝豬病豬黃臙

豬米豬俱不可食

犬處處有之田犬長喙善獵吠犬短喙善守倉犬體肥供饌說文曰犬狗之有懸蹄者也凡肉豚宜炮犬宜羹釋名狗叩也叩氣吠以守也

貓食田鼠去苗之害故貓之字從苗舊傳貓目睛旦暮皆圓及午即從斂如線其鼻端常冷惟夏至一日暖蓋貓陰類也故其應陰氣如此世云薄荷醉貓死貓引竹過牆亦氣之相感也相貓訣云露爪能翻瓦腰長會走家面長雞種絕尾大懶如蛇養法初生時日以硫黃少許納豬腸內或拌飯與食則不畏寒

雞爾雅翼曰司晨之畜徐鉉曰雞稽也能稽時也齊民要

術雞種取桑落時生者良

形小淺毛脚細者是守窠少聲善育雛子

春夏生者

則不佳

形大羽毛悅澤脚粗長者是遊蕩饒聲產乳易厭

春夏雛二十日內無令

出窠飼以燥飯宜據地為籠籠內著棧雖鳴聲不朗而安穩易肥又免狐狸之患

鶯舒雁也其類如密長頸黃喙紅掌夜鳴應更有蒼白二

色惟會五穀稗子及草菜不食生蟲會水易肥供廚者子鶯百日以外佳過此以往不堪會矣鶯又善轉旋其項古

之學書者法以運腕王右軍好鶯者以此俗云鶯毛柔暖而性冷宜覆嬰兒二說俱見埤雅

鷺鴨也。鷺鴨者，驅之溪沼，夜則收之，純取雌鴨，無令雜雄。足其豆粟，常令肥飽。一鴨便生百卵，雞伏卵二十日而化。鷺伏卵三十日而化，皆如其期也。物類相感，志云：雞鷺伏卵，忌磨若聞磨聲，則不生矣。

### 鱗之屬

龍神物，不常見。時有見其一爪與尾者，藏深山巖窟中。夏月起而行雨，如潯陽臺八卦頂之龍井。縣北五溪山之龍湫，金竹巖庵之龍湫，當亢旱時，土人祈雨者，請其水，屢著靈異。或投以腥血穢物，則怒起風雨，謂之激龍。冰雹不測，未可輕試也。四月之後，龍分方，各有區域，故兩畝之間，雨

暘異焉。又多暴雨，說者云：細潤者天雨，猛暴者龍雨也。龍火與人火相反，得濕而焰，遇水而燔，以火逐之，則燔熄而焰滅。分龍之次日雨，則主年豐。四月二十日為小分龍，五月二十日為大分龍。春分而登天，秋分而潛淵。

蛟龍屬也。老者曰蛟，其狀似蛇而四足，細頸頸有白嬰大者，數圍卵生，眉交，故謂之蛟。相傳蛇與雉交生卵，遇雷則入土，數丈成形，百年後能升騰為蛟。其遇雨而去也，輒衝巖決石作大水，為民害，當及其未成形而除之，故月令有伐蛟之文。

黟縣四面皆山，時有蛟水為患。伐蛟之說，不可不講。

雍正十二年署兩江總督魏公著有伐蛟說刊頒各屬乾隆五十一年

上允廷臣之請

敕下直省酌量辦理安徽巡撫何公重刊頒各屬今附於後

嘗考月令載伐蛟之文古人多斬蛟之事蓋蛟之爲害於民實甚多方翦除所以爲民也江南地方如徽寧六霍等處蛟水爲患人畜田舍隨波蕩然殊可憫惻訪之故老考之傳聞識產蛟之處得伐蛟之法蛟以卵生數十年而起生蛟之地冬雪不存夏苗不長鳥雀不集其土色赤其氣朝黃而暮黑星夜上冲於霄其卵入地自能動轉漸吮地泉其形卽成聞雷聲漸起而上其地之色與氣亦漸明而顯蛟未起二三月前遠聞似秋蟬悶在入手中而鳴又如醉人聲此時能動不能飛可以掘而得及漸起離地面三尺餘聲響漸大不過數日候雷雨而去多在夏末秋初之間穿山破岸水激潮湧爲害不可勝言矣善識者於春夏間觀地之色與氣及未起二三月前掘土三五尺餘其卵卽得其大如甕其圍至三尺餘先以不潔之物鎮之多備利刃剖之其害遂絕或於雪後見其地圍圓不存雪不生草木再視其地之

色與氣掘得其卵煮而食味甚美此土人經驗之言也  
又有說用鐵與犬血及婦人不潔之衣埋其地以鎮之  
蓋蛟非龍引不起非雷震不行鐵與穢物所以制之也  
又有說蛟畏金鼓夜畏火光夏月田閒作金鼓聲以督  
農則蛟不起卽或起而作波但見火光聞金鼓聲其水  
勢必斂退又云蛟畏荆樹荆汁能治蛟毒也又聞深山  
老人云夏秋連日夜雨豎高竿掛一燈籠可避蛟也諸  
說頗近理故錄以示人庶幾弭患於未然論爲政之大  
體自當以修德行仁爲挽氣化弭災害之本此外何足  
道哉然而爲民父母之心無所不周不得不多方以冀  
救濟踵古人而行之或有裨於萬一夫受人牛羊立視  
而不救非牧也况受一方之百姓而職任撫循明明有  
弭災之說顧嫌其迂而靳傳清夜捫心何以自處各府  
州縣其其體此意善爲措置縱不能全弭其患亦當竭  
力盡心况人事旣盡安知天意不可挽回乎如有地方  
棍徒挾仇欺詐借伐蛟之名而挖人之墓宅掘人之墳  
墓以破人之風水來龍則又當從重治罪斷斷不可輕  
宥各府州縣擇地方之善識者詳加審視如與前說脗  
合卽躬親詣驗料理又當刊刻其法廣布四方家喻而  
戶曉之也

鯉爲魚王無大小脊旁皆三十六鱗能飛越江湖今人但謂之赤鯉按之古有赤青黑白數種爾雅翼云陶朱公養魚以六畝地爲池求懷子鯉長二尺者二十頭牡鯉長三尺者四頭以二月壬庚日納池中令水無聲魚必生所以養鯉者鯉不相會易長至來年二月得鯉魚七萬枚計每頭生三千五百枚足見其繁息也

鮠草魚也亦名鱠魚似鯖而色黑似鱒而肥大本生江湖間養魚者首春來自湖口界中纜數寸疏池以養日取草飼之黥居山間無大陂澤其溪流清淺春夏時潦水注之則深往往有魚而不能大故養鮠者多俗亦以草魚爲敬

鯽一曰鱮鱧魚也大頭而細鱗魚之不美者故語曰買魚得鯽不如啗茹葢魚雖一類而所會不同鯽會鮠矢宜其味之不美也

鮒似鯉色黑而體促腹大而脊隆今謂之鯽味最美

鮓別名鯢江東通呼爲鯢爾雅翼云鯢魚偃額兩目上陳口方頭大尾小身滑無鱗謂之鮓魚言黏滑也

重脣三月乘桃花水上亦曰桃花魚桃源洞規竈及十二都大星溪中俱有之

石斑青而揚赤夏月會其子令人善嘔

鱖與鰱同伏泥中謂之泥鱖卽爾雅鰭鱖也似鱸而短無

鱗以涎自染難握與魚爲牝牡莊子所謂麋與鹿交鱗與魚遊也

翼魚四足而色蒼黑狀如蝮蛇能緣木林厯山後溪中常有之

鱒魚似鱣而鱗細於鱣目中赤色一道橫貫瞳上俗謂之赤眼

土步鱗黑而肉白常附土而行駭俗謂之黑魚又謂之菜花魚清明時出

鰕巨口而細鱗其牡文采尤鮮明繫之溪中可以致羣牝或以鮮明爲鱸鰕亦曰蘆花鰕大率盛夏藏石罅中徒手

捫得之仙人甯封子所食石桂也鰕有三種竹管鰕體圓蘆花鰕長大板鰕似鯽乃石鰕也石山汪洋屯八都葉家

岸常有之

魴一名魴比今之青魴也郊居賦曰赤鯉青魴細鱗縮項而腹闊魚之美者

儵魚俗呼參條魚形長而小時浮水面性好遊故名淮南子若觀儵魚註云儵魚小魚是也

儵字本有以周切田聊切兩音參條魚之儵應讀若迢

黃頰土人呼黃魴亦名魴魴魴音軋黃色無鱗搦之有聲額

脊俱有戟刺

鱧魚圓長而斑點首有七點如北斗象夜則仰首向北斗而拱有自然之禮故從鱧膽獨甘古人所重今道家忌之以其首戴斗又指為厭故有天厭鴈地厭犬水厭鱧之說皆禁不食

鰻無鱗腹白似鱈而大青色有雄無雌以影漫於鱧魚則其子皆附鱧之鬚鬣而生故謂之鰻鱧也一日鮎亦產鰻蓋其乳子三分之二為鮎其一鰻也孟詵曰徽州溪潭中

出一種背有五色文頭似蝮蛇者入藥最勝鰻腹下有黑斑者毒四目

者殺人重至四五觔水行昂頭者尤不可食食之必死

鱈一作鱠一作鮠似蛇而無鱗黃質黑文體涎沫生水岸

泥窟中在處有之

鱈有蛇變者名蛇鱈食之害人須以缸貯水畜羣鱈於中夜以燈照之蛇化者

必項下有白點通身浮水上即棄之鱈大者有毒殺人凡鱈不可與犬肉犬血同食之

蝦多鬚善遊而好躍其字從假物假之而遠者溪澤皆有

磔鬚鼻背有斷節尾有硬鱗腸屬於腦子在腹外

龜介蟲之長外骨內肉腸屬於首廣肩無雄與蛇為匹故

龜與蛇合謂之元武語曰龜思鼈望今龜鼈皆隔津望卵

鼈以眼聽穹脊連脊介蟲也水居陸生蒼魚經曰魚滿三

百六十則龍為之長而引飛出水納鼈則魚不復去故鼈

一名神守

鼈有蛇變者其腹或帶紅或帶紫食之害人煮鼈以紋銀器置釜中有毒者銀器必黑即須棄

而不食凡煮菌草鰻鱈皆當如此

蚌埤雅云鼈孚乳以夏蚌孚乳以秋聞雷聲則瘵其孕珠  
若懷孕然故謂之珠胎與月盈朏淮南子所謂日至而麋  
鹿角解月死而螺蚌雉者也爾雅云蚌長而狹者爲麤  
蛙陶宏景名醫別錄云蛙有久而青脊者俗名土鴨其鳴  
甚壯其小而善鳴者青蛙鼃之屬考工記所謂以脰鳴者  
也鼃音蹠說文詹諸也其鳴詹諸其皮鼃鼃  
螺淮南修務訓云古者民茹草飲水采樹木之實食羸蠃  
之肉今羸有數種人皆食之其小者名蝻大者可爲酒杯  
乾之以爲土物饋送作禮人皆珍之

蟲之屬

蜜蜂蟲能釀蜜者也唐末諱淮南楊行密嫌名謂蜜爲蜂  
糖取於山野古窠中或蓋小房或編荆固兩頭泥封開一  
二小竅使通出入另開一小門泥封時爲開掃除不令他  
物侵之秋花凋盡留冬月所食蜜餘蜜割作蜜蠟至春三  
月掃除如前常於蜂窠窠烏禾切穴居也前置水一器不致渴損  
春月蜂成當審蜂王多少壯與不壯若可分爲兩窠止留  
蜂王兩個其餘摘去如不分除舊蜂王外其餘蜂王盡行  
摘去

蠶孕絲蟲也有大小白烏斑色之異其蟲屬陽喜燥食而  
不飲雨後採桑須拭淨俟乾乃飼之三眠三起二十七日

而老自卵出而爲妙妙脫而爲蠶蠶而蛹蛹而蛾蛾而卵  
卵而復妙亦有胎生者與母同老蓋神蟲也黠俗罕養蠶  
者設使廣栽桑樹大興蠶事其利豈不普哉

螟螣蝨賊蟲之害苗者也倉必曰螟倉葉曰螣倉節曰賊  
倉根曰蝨今倉苗心者乃無足小青蟲既倉共葉又以絲  
纏集衆葉使穗不得展江東謂之橫蟲音若橫逆之橫言  
其橫生又能爲橫災也然按蝗字通有橫音物雖不同皆  
害稼之物也見者不可不除汜勝之書曰牽馬令就穀堆  
倉數口以馬踐過爲種無好妨等蟲也又種傷濕鬱熱則  
生蟲也又薄田不能糞以原蠶矢雜禾種種之則禾不蟲

又取馬骨剉碎以水煮之三沸漉去滓以汁漬附子五枚

三四日去附子以汁和蠶矢羊矢各等分撓呼老切令洞

洞如稠粥先種二十日時以洩疎有反種如麥飯狀當晴燥

時洩出之立乾或薄布數撓令乾明日復洩陰雨勿洩六

七洩止輒曝謹藏勿令復濕至可種時以餘汁洩而種之

則禾稼不生蟲無馬骨亦可用雪汁雪汁者五穀之精也

使稼耐旱常以冬藏雪汁器盛埋於地下治種如前法既

不生蟲收又常倍黠俗六月南風多則稻生橫蟲農人以

梳梳之蟲皆自落其梳木匡竹齒齒密排長尺餘俗亦謂

之田秒

蟋蟀似蝗而小善跳正黑有光澤如漆有角翅一名蝥一名促織語曰促織鳴懶婦驚性好鬪俗養之以博勝負計籌折算又使人於中主持之廢時失業大非風俗所宜數十年來亦漸少矣

貨之屬

黟無魚鹽桑麻之利木棉販自池陽糧倉來自江右蜜臘所產不多材木已見於前故所錄止

茗茶

茶一名茗一名苻一名皋盧樹如瓜盧葉如梔子花如白薔薇而黃心清香隱然實如栴檀蒂如丁香根如胡桃有高一二尺及三四尺者徽產最多新安志舊有勝金嫩桑僊芝來泉先春運合華英之品又有不及號者是爲片茶

黟之茶以城南周家園二都秀里四都燕窩八都大原十一都朶曙下十二都奕村又有南園熙春出北原雲霧茶出羊棧嶺頭種茶每二尺一科性惡水宜肥地勿耘草以小便糞水或蠶沙壅之採茶以穀雨前者佳鬻茶每鍋不過半觔先乾鬻微灑水以布捲起揉做語云善蒸不如善鬻善曬不如善焙蓋茶以鬻而焙者佳候乾燥以錫罐盛之勿通風可久藏其行商統名松蘿販者用木箱箱內錫皮箱外箬皮篾衣不使通風是濕北至口外南至澳門其不及號者用箬皮大篋裝榨茶始於唐盛於宋而重於明唐德宗納趙資議稅天下茶漆竹木十取其一以爲常平

本錢貞元中張滂始以出茶州縣若山及商人要路以三等定為權法武宗時裴休又著條約如私鹽例宋始置權茶務國家因以為制財用之源焉其夫要有三淳化時設交引法則鬻之在官又制貼設法則通之商賈嘉祐三年均賦於民則賦之茶戶熙寧中西人以善馬至邊中國所利也而敵所重惟茶始運茶赴河西市馬明洪武初置官給引起產茶府縣凡商人買茶具數赴官納錢給引方許出境

國朝稅引詳見賦役



70001066

